


本紀



孝宗  
光宗  
甯宗

明監本宋史  
卷七



本紀卷第三十五

宋史三十五

開府儀同三司桂國軍國軍事留書哀和慶慶更領經筵事都總裁臣脫脫等奉  
勅修

孝宗三

五年春正月辛丑侍御史謝廓然乞戒有司毋以程  
頤王安石之說取士從之癸卯罷特旨免臣僚及寺  
觀科徭庚戌大風己未詔侍從臺諫兩省官集議考  
課法二月己巳置州縣丁稅司辛未申嚴武官呈試  
法詔二廣毋以攝官人治獄丁丑鹽入京西界  
甲申雨土庚寅威州蠻寇邊丁未李彥

穎罷給辰沅澧靖四州刀弩

日千

史浩爲右

丞相丁巳幸玉津園巳未以下

密院事趙雄

叅知政事是春黎州蠻出降夏四月乙丑朔詔葉衡  
任便居住丙寅以禮部尚書范成大叅知政事辛未  
知紹興府張津進羨餘四十萬緡詔以代民輸和買  
身丁之半賜禮部進士姚穎以下四百十有七人及  
第出身丁丑雨土巳卯以趙思奉使不如禮罷起居  
舍人仍降二官丁亥命後省擇中外所言利病不戾  
成法者以聞五月庚子置武學國子員丁未修臨安  
府城禁諸路州軍責屬縣進羨餘六月庚午飭百官

及諸監司毋得請托乙亥范成大罷癸未詔京西湖  
北商人以牛馬負茶出境者罪死甲申詔翰林學士  
諫議大夫給事中中書舍人侍御史各舉堪御史者  
二人以給事中錢良臣簽書樞密院事巳丑罷諸州  
私置稅場減四川茶課十五萬餘緡庚寅蠲大理寺  
贓錢三萬九千餘緡閏月丙申贈強霓強震官立廟  
西和州賜名旌忠丁酉限四川總領會子額戊戌罷  
興州都統司營田官兵募民耕佃巳亥復分利州東  
西路爲二壬寅置鎮江建康府噶般倉龔茂良卒于  
英州乙巳以魏王愷爲永興成德軍節度使雍州牧

判明州如故庚戌蠲秀州民折帛錢秋七月甲子太尉提舉萬壽觀李顯忠薨癸未禁砂毛錢丁亥以歲豐命沿江糴米百六十萬石以廣邊儲八月甲午詔諸路監司戒所部民稅毋以重價強折輸錢復制科舊法丁酉詔關外四州增募民兵爲忠勇軍戊午增銓試爲五場呈試爲四場九月甲子定廣西賣鹽賞罰壬申幸秘書省戊寅賜岳飛謚曰武穆冬十月戊戌史浩等上三祖下第六世仙源類譜仁宗玉牒庚子遣宇文价等使金賀正旦辛亥金遣張九思等來賀會慶節乙卯奉國軍節度使殿前都指揮使王友

直以募兵擾民降爲武寧軍承宣使罷軍職統制以下奪官有差軍民謹叟者執送大理寺鞠之戊午以孫右千牛衛大將軍擴爲明州觀察使封英國公十一月丙寅詔軍民喧鬪者並從軍法史浩言民不宜律以軍法不聽王友直再降爲宜州觀察使信州居住浩請罷政甲戌浩罷爲少傅還舊節克醴泉觀使兼侍讀乙亥以錢良臣參知政事丁丑以趙雄爲右丞相王淮爲樞密使戊寅以兩川禁卒千人爲成都府雄邊軍庚辰復監司互察法十二月庚寅朔班新定薦舉式辛卯遣錢冲之等賀金主生辰丁酉罷興

元都統司營田官兵募民耕佃辛丑復同安蘄春監  
丙午禁兩淮銅錢復行鐵錢丙辰金遣烏延察等來  
賀明年正旦是歲階福建興化軍水通泰楚州高郵  
軍田鼠傷禾三佛齊國入貢

六年春正月戊辰振淮東饑民庚午復置內侍省合  
同憑由司壬申蠲夔州路上供金銀丁丑雨雹辛巳  
復置光州中渡權場二月巳丑朔幸佑聖觀召史浩  
曾覲賜酒壬辰錢良臣以失舉贓吏奪三官丙申詔  
前宰執侍從有巳見和便聽不時以聞辛丑立武臣  
關升蔭補法丙午詔逃軍犯強盜者毋擬貸癸丑命

州縣毋撓義役乙卯詔自今歸正官親赴部授官以  
革冒濫丁巳裁特奏名試法三月庚申幸聚景園丙  
寅錄趙鼎岳飛子孫賜以京秩巳巳郴州賊陳峒等  
破連道州桂陽軍諸縣命湖南帥臣討捕之置廣西  
義倉辛未再振淮東饑民壬申雨雹丁丑詔戒勵諸  
道轉運使庚辰幸玉津園夏五月壬戌裁宗室換官  
法庚午蠲四川鹽課十萬緡乙亥郴寇平癸未給襄  
陽歸正忠義人田六月甲午建豐儲倉丙申詔特奏  
名毋授知縣縣令戊戌蠲郴州運糧丁夫今年役錢  
之半辛亥廣西妖賊李接破鬱林州守臣李端卿棄

城遁遂圍化州命經略司討捕之端卿除名勒停梅  
州編管秋七月癸亥籍郴州降寇隸荆鄂軍戊辰班  
隘興以來寬恤詔令于諸路趙雄等上會要乙亥詔  
諸軍五口以上增給緡錢癸未太白晝見經天八月  
庚寅罷諸路監司帥守便宜行事壬寅以知楚州翟  
畋過淮生事奪五官筠州居住九月辛未合祭天地  
于明堂大赦癸未詔福建二廣賣鹽毋擅增舊額冬  
十月乙酉朔連州被寇民租稅辛卯遣陳峴等使  
金賀正日丙申詔太學兩優釋褐與殿試第二人恩  
例庚子四川行當二大錢再蠲四川鹽課十七萬餘

緡辛丑除紹興府民逋賦五萬餘緡乙巳金遣蒲察  
鼎壽等來賀會慶節戊申廣西妖賊平十一月乙卯  
朔帝著論數百言深原用人之弊因及誅賞之法命  
宰執示從臣于都堂辛酉裁宗子試法戊寅罷金州  
管內安撫司壬午詔宗室有出身人得考試及注教  
授官癸未遣傅淇等賀金主生辰十二月丙戌班重  
脩淳熙勅令格式丙申修百司省記法己亥詔自今  
鞫賊吏後雖原貸者毋以失入坐獄官庚戌金遣耶  
律慥等來賀明年正旦辛亥蠲臨安府征稅一年是  
歲溫台州水和州旱

七年春正月甲子減廣西諸州歲賣鹽數乙丑劉焯以平李接功擢集英殿修撰將佐幕屬吏士進官減磨勘年有差已卯詔京西州軍並用鐵錢及會子民戶銅錢以鐵錢或會子償之滿二月不輸官許告賞庚辰蠲淮東民貸常平錢米二月癸未朔初置廣南州庫諸州醫官丙戌復置皇太子宫小學教授辛卯魏王愷薨乙未詔撥廣西兵校五百人隸提刑司戊戌罷瓜洲孳生馬監己亥出湖南椿積米十萬石振糶永邵郴三州甲辰命利州路守貳縣令兼領營田乙巳限改官負歲毋過八十人封一棟為宜州觀察

使安定郡王三月壬戌詔舉賢良方正能直言極諫者庚午迎太土皇太上皇后宴翠寒堂乙亥減內外官薦舉負丁丑再蠲臨安府民身丁錢三年詔諸州招補軍籍之闕自今歲以為常夏四月甲申幸聚景園丙戌趙雄等上仁宗哲宗玉牒戊子除明州積欠諸司錢十五萬緡辛卯再免沿邊歸正人請占官田賦役三年甲辰黎州五部落犯盤陀砦兵馬都監高晃以綿潼大軍三千人與戰敗走蠻人深入大掠而去巴酉命廢補武舉宗室小使臣行三年喪五月戊辰以吏部尚書周必大參知政事刑部尚書謝廓然



簽書樞密院事袁州分宜縣大水搶其稅戊寅詔舒  
蘄二州鑄錢歲以四十五萬貫爲額己卯申飭書坊  
擅刻書籍之禁庚辰詔特奏名年六十人毋注縣尉  
六月丙戌以特進觀文殿大學士判建康府陳俊卿  
爲少保壬辰五部落再犯黎州制置司鈴轄成光延  
戰敗官軍死者甚衆提點刑獄權州事折知常棄城  
遁甲午制置司益兵遣都大提舉茶馬吳總任平之  
壬寅詔試刑法官增試經義秋七月癸丑詔二廣帥  
臣監司察所部守臣減否以聞丁卯以旱決繫囚分  
命羣臣禱雨于山川壬申移廣西提刑司于鬱林州

八月癸未禁黎州官吏市蕃商物甲申以禱雨未應  
諭輔臣欲令職事官以上各實對言事是夕雨丁酉  
置湖南飛虎軍戊戌雨甲辰五部落犯黎州塞與州  
左軍統領王去惡拒却之折知常重賂蠻使之納款  
九月癸亥詔自今常朝毋稱丞相名甲子命樞密使  
亦如之乙丑詔宰執使相給使減年恩數身後三年  
者毋收使丙寅詔知縣成資始聽監司薦舉壬申禁  
諸路遏糴癸酉名省記法爲淳熙重修百司法冬十  
月丙戌詔限田太寬民役煩重其令臺諫給舍同戶  
部長貳詳議以聞戊子遣葉宏等使金賀正旦乙未

黎州五部落進馬乞降詔却獻馬許其互市庚子金  
遣李侑等來賀會慶節十一月癸丑詔邊吏存恤江  
西過淮饑民丁巳禁淮南諸司州郡抑配民酒辛酉  
蠲兩淮州軍二稅一年癸亥黎州戍軍伍進等作亂  
折知常遁去王去惡誘進等誅之壬申南康軍旱詔  
出檢放所餘苗米萬石充軍糧癸酉遣蓋經等買金  
主生辰十二月庚寅趙雄等上神宗哲宗徽宗欽宗  
四朝國史志壬辰以四川制置使胡元質不備蕃部  
致其猖獗奪兩官罷之丙申嗣濮王士勗薨戊戌以  
新除成都府路提點刑獄祿東之權四川制置司應

庫錢貼進禁潭道等州官賣鹽甲辰立宗室命繼法  
夏四月癸丑修湖南諸州城丙辰以臨安疫分命醫  
官診視軍民庚申復以強盜配隸諸軍重役丁卯安  
定郡王一棟薨癸酉立郴州宜章桂陽軍臨武縣學  
以教養此武子弟五月戊寅詔監司守令勸課農桑  
以奉行勤怠爲賞罰壬午詔諸路轉運司趣民間補  
葺經界簿籍辛卯以久雨減京畿及兩浙囚罪一等  
釋杖以下貸貧民稻種錢壬寅以史浩爲少師六月  
巳酉詔放殿前司平江府牧馬草場二萬畝聽民漁  
採戊午除淳熙七年諸路旱傷檢放米一百三十七

萬石錢二千六萬緡辛酉罷諸路坊場監官聽民承  
買戊辰史浩薦薛叔似楊簡陸九淵陳謙葉適袁燮  
越善譽等十六人詔並赴都堂審察七月癸未復以  
許浦水軍隸殿前司永陽郡王居廣薨追封永王辛  
卯賞監司守臣脩舉荒政者十六人以不雨決繫囚  
壬辰紹興大水出秀婺州平江府米振糶丁酉嚴州  
水詔被災之家蠲其和買三等以上戶減半辛丑錄  
范質後八月丙午以旱罷招軍庚戌趙雄罷壬子詔  
紹興府諸縣夏稅和市折帛身丁錢絹之類不以名  
色截日並令住催癸丑以王淮爲右丞相兼樞密使

措置營砦檢視沿江守備戊寅詔展巡幸之期辛次  
膺罷己卯李顯忠責授清遠軍節度副使筠州安置  
辛巳命浙西都總管李寶兼御營統制官措置浙  
西海道甲申諫議大夫王大寶入對論移蹕以敷  
文閣學士虞允文爲兵部尚書兼湖北京西宣諭使  
戊子放宮人三十人以蕭琦爲檢校少保河北招撫  
使秋七月庚寅朔以虞允文爲湖北京西制置使癸  
巳以湯思退爲尚書右僕射同中書門下平章事兼  
樞密使李顯忠再責授果州團練副使潭州安置乙  
未詔宿州棄軍將佐奪官貶竄有差丙申太白晝見

經天罷江淮宣撫司便宜行事乙巳以旱蝗星變詔侍從臺諫兩省官條上時政闕失丁未詔徵李顯忠侵欺官錢金銀免籍其家乙卯裁減省部寺監官吏戊午給還岳飛田宅八月丙寅張浚復都督江淮軍馬庚午以劉寶兼淮東招撫使丙子以飛蝗風水爲災避殿減膳罷借諸路職田之令戊寅金紘石烈志寧又以書求海泗唐鄧四州地及歲幣癸未復以龍大淵知閣門事曾覲同知閣門事丙戌遣淮西安撫司幹辦公事盧仲賢等齎書至金帥府戒勿許四州差減歲幣仍命諸將毋遣兵 出境九月己酉地震

甲寅以謝廓然同知樞密院事丙辰更

延和殿己未以觀文殿大學士新四川制

知瀘州戊辰言者請自今歉歲蠲減經費有虛

部書實以聞毋得督趣已蠲閩之數從之罷諸路補

算經界簿籍九月庚辰命諸路提舉司貸民麥種辛

巳錢之臣罷庚寅以謝廓然兼權參知政事冬十月

己酉遣施師點等使金賀正日辛酉錄黎州戰歿將

士四百三人甲子金遣完顏宴等來賀會慶節詔災

傷州縣 命民振糶十一月甲戌以旱傷罷喜宴宴戊

寅蠲官陽新城錢 喜宴會慶宴前也州守趙粹中表

斬獲卒汪清濬職仍詔給膏家衣葬十五年辛卯詔  
兩省停稅以蠲諫各舉所知浚行在至鎮江府運河丁  
酉遣燕世良賈金主生辰已亥振臨安府及嚴州饑  
民庚子再詔臨安府為粥食饑民辛丑以淳熙元年  
減半蠲賞法募民振糶十二月癸卯朔以徽饒二州  
民流者衆罷守臣官出南庫錢二十萬緡付新浙東  
提舉常平朱熹振糶丁未禁諸州營造戊申謚劉安  
世曰忠定辛亥蠲諸路旱傷州軍明年身丁錢  
寅兩省以度僧牒募開廣民入米丙辰詔  
舉荒政者監司郡守以名聞甲子下宋

諸路戊辰金遣魏良吉等來賀明年正月

書儀帝還內遣王朴往諭旨已巳良吉奏

月廣東文撫筆湖誘潮賊流賊出降誅之是歲

京西湖北建水興州等路水旱相繼發廩蠲租

救視民有流入江北者命所在振糶之

九年春正月甲戌詔曰 皇朝歲令周三日如在京故

事丁丑命兩淮成安崇一 更添米罷權密都承旨王

若為在外官觀日 罷諸官等 復密院六書關錄兩

省舊法 文臣為御史官戊子 罷廣南米並行在京

實詔江浙 兩省米 為所減食民 糶計度不足者貸

以積積錢二生兵成道復設兩二唐陸三法利害成辰  
四川制司言遷益州縣六波浪三月三未朔幸位  
聖觀認振濟息萬恭浩四州發未振濟鎮江士辰遣  
使致親淮南江浙振濟甲午罷諸路守招軍兵三年  
就據軍子第補其關夏四月甲辰詔自今盜發所在  
即守監司論罰平定有勞者議賞乙卯詔諸路  
文武臣通置一員於夜帝覽陸贄奏議論講讀  
三今日之政恐有如德宗之弊者卿等條陳  
無有所隱五月癸酉以孫柄為右千牛衛  
子詔輔臣擇監司郡守必先才行六月七

臺諫各舉操脩端亮風力強明可克

甲寅蠲犒賞庫酒課二十二萬餘緡行

沈師蹂踐者除其賦丁巳給臨文府貧民棺

午謝廓然薨庚申太白晝見臨安府蝗詔守臣亟

麥瘞甲子太白晝見經天秋七月甲戌以江西常

義倉及椿管米四十萬石信諸司預備振糶辛巳出

南庫錢三十萬緡付浙東提舉朱熹以備振糶壬辰

以資政殿學士李昉類參知政事詔產所儲和糶米

百四十萬石補庫歷八年振濟之數于沿江屯駐諸

州椿管八月九日興兵三三歲已納長稅應

減者三十萬給理泰七年之數庚子禮皇太后內命婦  
蔭補數。文臣遇郊奏薦賞限受仕遺表恩遷視  
舊法按三之一。惟東嶺西嶺三子定。諸州官摘蝗之  
罰乙卯復賞備舉流改監司守臣九月己朔罷諸  
路科買軍器物料三年庚午以三港為左丞相京克  
家為右丞相丙子以子璘為宰相察復封安定郡  
王辛巳大享明堂大赦乙酉以錢引十萬緡賜瀘州  
補振羅辛卯封伯圭為滎陽郡王以旱減茶合  
州今年酒課癸巳太白書言元乙未禁番船  
著為令十月戊戌朔遣王誥等使金質

軍器所招軍辛亥塞四川沿邊支徑戊午金遣完顏  
宗回等來賀會慶節甲子蠲諸路旱傷州軍淳熙七  
年八年通賦出縣官緡錢以償戶部十一月戊辰朔  
禁臣庶之家婦飾僭擬庚午振夔路飢乙酉進奏院  
火丙戌遣賈選等賀金主生辰戊子大風十二月己  
亥更二廣官賣鹽法復行客鈔仍出緡錢四十萬以  
備漕計之闕癸亥金遣李木魯正等來賀明年正旦  
十年春正月丁丑以給事中施師點簽書樞密院事  
命州縣掘蝗甲申李彥穎罷乙酉命二廣提舉鹽事  
官互措置鹽事丙戌以施師點兼權參知政事丁亥

萬曆三十七年刊  
卷之三十三  
詔終身任官觀人毋得奏子巳丑詔罷廣南官鬻鹽  
法壬辰罷江東浙西寄招鎮江諸軍二年二月癸卯  
提舉德壽宮陳源有罪竄建寧府尋移彬州仍籍其  
家賞進納德壽宮三月戊辰李燾上續資治通鑑長  
編六百八十七卷辛未有司請造第七界會子辛巳  
免四川和糴三年癸未幸玉津園戊子詔四川類試  
自今十六人取一人巳丑除詐稱災傷籍產法癸巳  
復銓試舊法罷試雜文夏四月丙申再蠲臨安府民  
丁身錢三年巳亥命湖南廣西堙塞溪洞徑路五月  
丙寅增皇太子宫小學教授一員甲戌以潭州飛虎

軍隸江陵都統司戊寅幸聚景園辛卯詔疏襄陽水  
渠以渠傍地爲屯田尋詔民間侵耕者就給之廢舒  
州宿松監六月戊戌監察御史陳賈請禁偽學乙巳  
罷昭州歲貢金巳未詔諸路監司帥臣歲舉廉吏庚  
申嚴賊吏禁秋七月乙丑以不雨決繫囚丙寅幸明  
慶寺禱雨甲戌以夏秋旱曠避殿減膳令侍從臺諫  
兩省鄉監郎官館職各陳朝政闕失分命群臣禱雨  
於天地宗廟社稷山川左丞相王淮等以旱乞罷不  
許丁丑詔除災傷州縣淳熙八年欠稅甲申雨巳丑  
御殿復膳八月戊申以施師黠參知政事兼同知樞



密院事御史中丞黃洽參知政事庚戌以史浩爲太保魏國公致仕庚申以左藏南庫隸戶部九月乙丑長溪寧德縣大水丙寅嚴盜販解鹽法丁丑幸佑聖觀壬午蠲諸州逋負內藏庫錢六十萬緡乙酉遣余端禮等使金賀正且丁亥禁內郡行鐵錢冬十月乙未詔兩浙義役從民便壬子金遣完顏方等來賀會慶節十一月壬戌朔日有食之乙丑降會子收兩淮銅錢甲戌幸龍山大閱遂幸玉津園閏月壬寅詔邦安南獻象丁巳遣陳居仁等賀金主生辰十二月丙子朝德壽宮行太上皇后慶壽禮推恩如太上皇故

事丁亥金遣完顏婆盧火等來賀明年正旦是歲福漳台信吉州水京西金澧州南平荆門興國廣德軍江陵建康鎮江紹興寧國府旱

十一年春正月辛卯朔兩土辛丑安化蠻蒙光漸等犯宜州思立弒廣西兵馬鈐轄沙世堅出兵討之獲光漸丙午詔江東西路諸監司義役差役從民便甲寅兩土二月甲申詔兩淮京西湖北萬弩手令在家閱習每州許歲上材武者一二人試授以官如四川義士之制三月辛卯詔刑部御史臺每季以仲月錄囚徒癸巳命利路三都統吳挺郭鈞彭杲密陳出師

進取利害以備金人後金州管內安撫司甲午以上  
津洵陽旱蠲其稅辛丑罷秀州御馬院莊歸其侵地  
于民丁未禁淮民招溫處州戶口除職田官田八年  
遭租庚戌詔御試策有及軍民利害者考官裒類以  
聞辛亥史浩入謝賜宴于內殿夏四月甲子以興元  
義勝軍移戍襄陽戊辰賜禮部進士衛涇以下三百  
九十四人及第出身癸未重班紹興申明刑統五月  
戊子朔蠲崇德等十六縣小民淳熙十年欠稅十四  
萬緡癸卯命刑部大理寺議減刺配法甲寅出緡錢  
三十萬犒給四川久戍將士乙卯太白晝見六月戊

午朔詔諸道總領舉偏裨可將帥者庚申以周必大  
為樞密使壬戌詔在內尚書侍郎兩省諫議大夫以  
上御史中丞學士待制在外守臣監司不限科舉年  
分各舉賢良方正能直言極諫一人巳卯詔諸州歲  
買稻種備農民之闕秋七月癸卯蠲減浙東敗闕坊  
場酒課癸丑以浙西江東水禁諸州遏糴甲寅築黎  
州要衝城八月庚申遣章森使金賀正旦九月丁亥  
詔諸路添差官自今毋創置乙巳詔殿前軍子弟許  
權收刺一次甲寅再減四川酒課六十八萬餘緡冬  
十月甲子初命舉改官人犯贓者舉主降二官乙丑

遣王信等金主廿九年午禁諸州增收稅錢丙子  
金遣張大節等來賀會慶節盱眙軍言得金人牒以  
上京地寒來歲正旦生辰人使權止一年壬午詔諸  
以忠義立廟者兩淮漕臣繕治之十一月壬寅禁福  
建民私有兵器癸卯助廣西諸州歲計十萬緡甲寅  
令峽州歲時存問處士郭雍十二月丁巳修湖南府  
城巳卯詔戒監司州縣毋得於常賦外追取於民是  
歲江東浙西諸州水福建廣東吉贛州建昌軍興元  
府金洋西和州旱

十二年春正月巳丑禁交吐鹽入省地壬辰四川制

曹使留正遣人誘青羌兒結殺之戊戌日中有黑  
子戊申賜任伯雨謚曰忠敏庚戌日中復有黑子二  
月辛酉兩電乙亥罷諸軍額外制領將佐其長置黎  
州防邊義勇三月乙酉進孫擴為安慶軍節度使封  
平陽郡王辛卯禁習渤海樂辛亥命侍從臺諫兩省  
總領管軍官各舉堪副統制者二人癸丑除統  
場高等累賞法夏四月甲子辛未景園戊辰班淳熙  
寬恤詔令丙子謀言故遣大石林牙假道夏人以伐  
金密詔吳玘與留正議之巳卯辛未律園五月庚寅  
地震辛卯福州地震詔帥臣趙汝愚察守令擇兵官

防盜賊六月乙卯立維東疆勇軍效用効士法壬戌  
除諸軍遠久營運錢丁丑詔亦東帥臣監司不以時  
上諸州臧否奪一官戊寅太白晝見秋七月丁酉太  
白晝見經壬寅詔二廣試攝官如銓試例取其半  
甲辰以淮西屯田兩蕃總領軍帥漕臣守臣奪官有  
差八月癸亥詔太上皇壽八十令有司議慶壽禮乙  
丑詔戶部給舍臺諫詳議官民戶役法以聞九月甲  
申復二廣監司以下到罷酬賞法丙戌詔恤湖州合  
州被水之家庚寅遣王信等使金智且正旦丁丑詔諸  
路總領軍帥漕臣守臣歲上屯田所收之數冬十月

辛亥加上太上皇尊號曰光堯壽聖憲天體道性仁  
誠德經武緯文紹業興統明謨盛烈太上皇帝太上  
皇后曰聖壽齊明廣慈備德太上皇后甲寅蠲施黔  
州經制無額錢命侍從各舉宗室二三人癸亥詔諸  
路臧否以三月終四川二廣以五月終來上十一月  
丁亥鄂州大火戊子雷壬辰遣章森等賀金主生辰  
辛丑合祀天地于園丘大赦十二月庚戌朔帥群臣  
奉上太上皇太上皇后冊寶于德壽宮推恩如紹興  
三十三年故事甲子以知福州趙汝愚爲四川制置  
使丙子金遣僕散守忠等來賀明年正旦

十三年春正月庚辰朔率群臣詣德壽宮行慶壽禮  
大赦文武臣僚並理三年磨勘免貧民丁身錢之年  
爲一百一十餘萬緡內外諸軍犒賜共一百六十萬  
緡癸巳以史結罷太傅陳俊卿爲少師嗣濮王士欽  
爲少保庚子以昭慶軍節度使士峴爲開府儀同三  
司二月甲寅詔強盜兩次以上雖爲從論死庚申詔  
舉歸正添差任滿人才藝堪從軍者三月丁酉詔職  
事官改官許在歲額八十員之外合提舉廣南東西  
鹽事司爲一甲辰辛玉津園夏四月辛亥詔吳挺結  
約夏人戊辰再蠲四川和糴軍糧二年辛未幸聚景

五月癸未日中有黑子甲申詔非泛補官及七色  
補官人非曾任在朝侍從者品秩雖高毋得免後丙  
申賜冲晦處士郭雍號曰頤正先生仍遣官就問雍  
所欲言備錄來上秋七月壬辰詔內外諸軍主帥各  
察堪統制者二三人壬寅謚胡銓曰忠簡閏月丙午  
朔丙午以敷文閣學士留正簽書樞密院事已  
酉施師點乞免兼同知樞密院事許之己未五星皆  
伏八月乙亥朔日月五星聚于軫丙子以故相曾懷  
謚文忠追落觀文殿大學士壬午新築江陵城成  
九月乙巳詔僞造會子凡經行用並處死是月遣李

獻等使金賀正旦冬十月甲戌朔福州火甲午金遣  
完顏老等來賀會慶節十一月戊午詔四川制置司  
通知馬政量收木深民包占荒田租庚申遣張叔椿  
等賀金主生辰甲子王淮等上仁宗英宗王牒神宗  
哲宗徽宗欽宗四朝國史列傳皇帝會要丙寅梁克  
家罷為觀文殿大學士醴泉觀使兼侍讀辛未裁定  
百司吏額十二月丙子思州田氏獻納所買黔州民  
省地詔償其直辛巳減汀州鹽價歲萬緡甲午陳俊  
卿薨乙未振臨安府城內外貧乏老疾之民戊戌大  
理寺獄空己亥金主耶律子元等來賀明年正旦

丑再賜軍士雪寒錢是歲利州路饑江西諸州旱  
十四年春正月癸亥出四川椿積米貸濟金洋州及  
關外四州饑民二月丁亥以周必大為右丞相戊子  
以施師點知樞密院事三月甲子幸玉津園夏四月  
己卯置籍考諸路上供殿最以為賞罰戊子賜禮部  
進士王容以下四百三十五人及第出身五月乙巳  
成都火己酉遣官措置汀州經界六月戊寅以久旱  
班畫龍祈雨法甲申幸太一宮明慶寺禱雨丁亥梁  
克家薨庚寅臨安府火辛卯太白晝見癸巳王淮等  
以旱求罷不許詔衡州葺炎帝陵廟己亥減兩浙路

囚罪一等釋杖以下秋七月辛丑罷戶部上供殿最  
丙午詔羣臣陳時政闕失及當今急務丁未以旱罷  
汀州經界巳酉詔監司條上州縣弊事民間疾苦辛  
亥避殿減膳徹樂癸丑命檢正都司看詳羣臣封事  
有可行者以聞詔省部漕臣催理已蠲逋欠者令臺  
諫覺察權減秀州經總制糴本錢半年丙辰命臨安  
府捕蝗募民輸米振濟除紹興新科下戶今年和市  
布帛二萬八千疋辛酉江西湖南饑給度僧牒鬻以  
糴米備振糴戊辰雨命給舍看詳監司所條弊事八  
月辛未賜度牒一百道米四萬五千石備振紹興府

饑甲戌御殿復膳癸未以留正參知政事兼同知樞  
密院事丙戌復夔路酬賞法九月癸卯太上皇不豫  
乙巳詣德壽宮問疾丙午遣萬鍾等使金賀正旦巳  
未詣德壽宮問疾乙丑罷增收木渠民田租丙寅除  
官軍私負冬十月辛未以太上皇不豫赦壬申詣德  
壽宮問疾癸酉分遣群臣禱於天地宗廟社稷甲戌  
以太上皇未御常膳自來日不視朝宰執奏事內殿  
乙亥詣德壽宮侍疾太上皇崩于德壽殿遺詔太上  
皇后改稱皇太后奉皇太后旨以奉國軍承宣使甘  
昇主管太上皇喪事丙子以韋璞等為金告哀使戊

寅以榮陽郡王伯圭為撥宮總護使翰林學士洪邁  
言大行皇帝廟號當稱祖詔有司集議以聞己卯詔  
尊皇太后辛巳詔曰大行太上皇帝奄棄至養朕當  
衰服三年群臣自遵易月之令可令有司討論儀制  
以聞甲申用禮官顏師魯等言大行太上皇帝上繼  
徽宗正統廟號稱宗乙酉百官五上表請帝還內聽  
政丙戌詔俟過小祥勉從所請戊子帝衰經御素輦  
還內以顏師魯等克金國遺留國信使己丑金遣田  
彥皋等來賀會變節詔免入見却其書幣甲午詣德  
壽宮自是七日皆如之十一月戊戌朔詣德壽宮自

是朔望皆如之己亥大行太上皇帝大祥自是帝以  
白布巾袍御延和殿詣德壽宮衰經而杖如初詔皇  
太子惇參決庶務庚子皇太子三辭參決庶務不許  
辛丑詣德壽宮禱祭百官釋服甲辰群臣三上表詣  
御殿聽政詔俟過禘廟戊申遣胡晉臣等賀金主生  
辰辛亥冬至詣德壽宮甲寅西南方有赤氣隨日入  
乙卯雷戊午詔皇太子參決庶務于議事堂在內寺  
監在外守臣以下均率執同除授訖乃奏己未詔三  
日一朝德壽宮十二月庚午太理寺獄空壬午東北  
方有赤氣隨日出癸巳金遣完顏崇安等來賀明年



正見于垂拱殿之東櫺星臺詔禮物毋入殿付之  
有司是歲兩浙江西淮四福建旱振之

十五年春正月丁酉朔詣德壽宮凡進行禮戊戌皇  
太子初決庶務于議事堂辛丑復置左右補闕拾遺  
乙巳詔免諸州軍會慶節進奉二年自今御內殿  
令皇太子侍立庚申施師燕罷甲子以黃洽知樞密  
院事吏部尚書蕭燧參知政事二月丁亥金遣使蔡  
克等來吊祭行禮于德壽殿次見帝于東櫺星臺  
隆興已遣京鏜等使金報謝三月庚子王等上  
行太上皇壽曰聖神文武慈孝聖壽萬歲高宗乙巳

上高宗謚冊寶于德壽殿又上懿節皇后改

冊寶于別廟本室丁未右丞相周必大攝

導梓宮癸丑用洪邁議以呂順浩韓世忠

高宗廟庭吏部侍郎章森乞用張浚岳飛祕書少監

楊萬里乞用浚皆不報丙寅權橫高宗于永思陵夏

四月壬申帝親行奉迎虞主之禮自是七虞八虞九

虞卒哭奉辭皆如之乙亥詔洪邁楊萬里並予郡甲

申用禮官尤袤請詔群臣再集議配享臣僚丙戌祔

高宗神主于太廟詔曰朕比下令欲衰經三年群臣

屢請御發易服故以布素視之雖詔俟過祔廟

勉從所請然稽諸典禮心實未安行之終帝乃爲之  
古宜體至意勿復有請已丑詔減臨安紹興府囚罪  
一等釋校以下民緣橫宮役者蠲其賦庚寅用御史  
冷世光言罷再議配享皇太后有旨車駕一月四詣  
德壽宮如舊禮五月己亥王淮罷乙巳帝既用薛叔  
似言罷王淮詔諭叔似等曰卿等官以拾遺補闕爲  
名不任糾劾今所奏乃類彈擊甚非設官命名之意  
宜思自警丁巳詔脩高宗實錄己未祈門縣大水壬  
戌始御後殿詔歲出錢五萬六千餘緡減庶東十二  
州折納米價錢六月丁卯雨雹戊辰罷勅令所已巳

以伯圭爲少傅帶御器械夏執中爲奉國軍節度使  
癸酉以新江西提點刑獄朱熹爲兵部郎官熹以疾  
未就職侍郎林栗劾熹慢命熹乞奉祠太常博士葉  
適論栗襲王淮鄭丙陳賈之說爲道學之目妄廢正  
人詔熹仍赴江西熹力辭不赴庚寅熒惑犯太微秋  
七月戊戌上高宗廟樂曰大勳舞曰大德己未出兵  
部侍郎林栗壬戌恩平郡王璩薨追封信王八月甲  
子朔日有食之九月庚子夜南方有赤黃氣覆大內  
辛丑大饗明堂以太祖太宗配大赦癸卯更試補醫  
官法巳酉遣鄭僑等使金賀正旦甲寅上皇太后宮


名慈福冬十月癸未金遣王克温等來賀會慶節見  
于垂拱殿東楹甲申會慶節詔北使百官詣東上閣  
門拜表起居免入賀己丑再罷諸州科買軍器物料  
三年十一月庚子建煥章閣藏高宗御集遣何澹賀  
金主生辰甲辰詔百官輪對毋過三奏十二月丙寅  
追復龔茂良資政殿學士壬午命朱熹主管西太一  
宮兼崇政殿說書辭不至戊子金遣田彥皋等來賀  
明年正旦是歲江西湖北兩淮建寧府徽州水  
十六年春正月癸巳金主雍殂孫璟立甲午封孫柄  
為嘉國公丙申黃洽罷己亥以周必大為左丞相留

正為右丞相蕭燧兼權知樞密院事禮部尚書王蘭  
參知政事刑部尚書葛邲同知樞密院事乙巳蕭燧  
罷丙午皇太后移御慈福宮戊申以昭慶軍承宣使  
郭師禹為保大軍節度使辛亥罷淮西屯田是日帝  
始諭二府以旬日當內禪命周必大留身呈詔草丙  
辰罷拘催錢物所復二廣官般官賣鹽法己未更德  
壽宮為重華宮謚李綱曰忠定二月辛酉朔日有食  
之三戌下詔傳位皇太子是日皇太子即皇帝位帝  
素服寫之重華宮辛未上尊號曰至尊壽皇聖帝皇  
后曰壽成皇后紹熙五年五月壬戌壽皇聖帝不豫

三百九十八  
六月戊戌崩于重華殿年六十有八十月丙辰謚曰  
哲文神武成孝皇帝廟號孝宗十一月乙卯權輿于  
永阜陵十一月甲戌祔于太廟慶元三年十一月辛  
丑加謚紹統同道冠德昭功哲文神武明聖成孝皇  
帝

贊曰高宗以公天下之心擇太祖之後而立之乃得  
孝宗之賢聰明英毅卓然為南渡諸帝之稱首可謂  
難矣武即位之初銳志恢復將離避旋失利重違高  
宗之命不輕出師又值金世宗之立金國平治無憂  
可乘然易表繕書致臣編經減去歲幣以定鄰好金

人易宋之心至是亦寢異於前日矣故世宗每戒  
臣積錢穀謹邊備必曰吾恐宋人之和終不可恃蓋  
亦忌帝之將有為也天厭南北之兵欲休民生故帝  
用兵之意弗遂而終焉然自古人君起自外藩入  
繼大統而能盡宮庭之孝未有若帝其間父子怡愉  
同享高壽亦無有及之者終喪三年又能却群臣之  
請而力行之宋之廟號若仁宗之為仁孝宗之為孝  
其無愧焉其無愧焉



本紀卷第三十六

宋史三十六

開府儀同三司桂國錄軍國重事前中書右相監修國史領經筵事都總裁臣滕等奉勅修

光宗

光宗循道憲仁明功茂德溫文順武聖哲慈孝皇帝  
諱惇孝宗第三子也母曰成穆皇后郭氏紹興十七  
年九月乙丑生于藩邸二十年賜今名授右監門衛  
率府副率轉榮州刺史孝宗即位拜鎮洮軍節度使  
開府儀同三司封恭王及莊文太子薨孝宗以帝英  
武類已欲立為太子而以其非次遲之軋道六年七

宋史本紀卷三十一  
月太史奏水火合宿主冊太子當有赦是時虞允文相因請蚤建儲貳孝宗曰朕久有此意事亦素定但恐儲位既正人性易驕即自縱逸不勤於學浸有失德朕所以未建者更欲其練庶務通知古今庶無後悔爾七年正月丙子朔孝宗上兩宮尊號冊寶禮成丞相允文復以請孝宗曰朕既立太子即令親王出鎮外藩卿宜討論前代典禮允文尋以聞二月癸丑乃立帝為皇太子慶正愷為雄武保寧軍節度使判寧國府進封魏王三月丁酉受皇太子冊四月甲子命判臨安府尋領尹事帝之為恭王與講官商較

前代時出意表講官自以為不及建尹臨安究心民政周知情偽孝宗數稱之且語丞相趙雄曰太子資質甚美每遣人來問安朕必戒以留意問學淳熙十四年十月乙亥高宗崩十一月己亥百官大祥畢孝宗手詔皇太子可令參決庶務以內東門司為議事堂十五年二月戊戌帝始赴議事堂自是間日與輔臣公裳繫鞋相見內外除擢自館職部刺史以上乃以聞九月乙巳又詔每遇朝殿令皇太子侍立十一月丞相周必大乞去孝宗諭曰朕比年病倦欲傳位太子卿須少留會陳康伯家以紹興傳位御劄來上

十二月壬申孝宗遣中使密特賜必大因令討論典禮既又密以禪意諭參知政事留正十六年正月辛亥兩府奏事孝宗諭以倦勤欲禪位皇太子退就休養以畢高宗三年之制因令必大進呈詔草二月壬戌孝宗吉服御紫衣殿行內禪禮應奉官以次稱賀內侍固請帝坐帝固辭內侍扶掖至七八乃微坐復興次丞相率百僚稱賀禮畢樞密院官升殿奏事帝立聽班退孝宗反喪服御後殿帝侍立尋登輦同詣重華宮帝還內即上尊號曰至尊壽皇聖帝皇后曰壽成皇后壽皇聖帝詔立帝元妃李氏為皇后甲子

帝率群臣朝重華宮大赦百官進秩一級優賞諸軍蠲公私逋負及郡縣淳熙十四年以前稅後丙寅帝率群臣詣重華宮上尊號冊寶以閣門舍人譙熙載姜特立並知閣門事庚午詔五日一朝重華宮辛未尊皇太后曰壽聖皇太后壬申詔內外臣僚陳時政闕失四方獻歌頌者勿受遣羅點等使金告即位癸酉詔戒敕將帥賜前宰執從官詔訪以得失乙亥詔兩省官詳定內外封章具要切者以聞遣諸葛廷瑞等使金弔祭丙子詔戒敕官吏巳卯詔官吏贓罪顯著者重罰毋貸辛巳以生日為重明節丁亥詔百官

輪對已丑詔編壽皇聖政庚寅詔中書舍人羅點具  
可爲臺諫者點以葉適吳鎰孫逢吉張體仁馮震武  
鄭湜劉崇之沈清臣八人上之三月壬辰以周必大  
爲少保留正轉正奉大夫丙申遣沈揆等使金賀卽  
位詔侍從兩省臺諫各舉可任湖廣及四川總領者  
一人己亥子擴進封嘉王癸卯金遣王元德等來告  
哀戊申以壽皇却五日之朝詔自今月四朝重華宮  
甲寅以史浩爲太師伯圭爲少師少保士歆爲少傅  
昭慶軍節度使士峴爲少保戊午金遣張萬公等來  
致遺留物己未以左補闕薛叔似爲將作監右拾遺

許及之爲軍器監拾遺補闕官自此罷詔東宮書籍  
並賜嘉王夏四月丙寅有事于太廟丁卯四川應起  
經總制錢存留二年代輸鹽酒重額癸酉姪柄進封  
許國公乙亥以兩浙犒賞酒庫隸諸州歲入六十五  
萬尋減三十萬戊寅金遣徒單鎰等來告卽位以權  
兵部侍郎何澹爲右諫議大夫丙戌有事于景靈宮  
五月甲午以王藺知樞密院事兼參知政事丙申周  
必大罷爲觀文殿大學士判潭州常德府辰沅靖州  
大水入其郭丁酉詔丞相以下月一朝重華宮戊戌  
罷周必大判潭州之命許以舊官爲醴泉觀使戊申



以和義郡夫人黃氏爲貴妃右丞相留正論知閣門  
事姜特立罷之閏月庚申朔詔內侍陳源許在外任  
便居住免郡縣淳熙十四年以前私負十五年以後  
輸息及本者亦蠲之壬戌以趙雄爲寧武軍節度使  
開府儀同三司進封衛國公仍判江陵府庚午詔罷  
賣浙西常平官田癸酉詔季秋有事于明堂以高宗  
配丙子趙雄疾甚改判資州戊寅蠲郡縣第五等戶  
身丁錢及臨安第五等戶和買絹各一年仍出錢二  
十三萬緡振臨安貧民己卯偕州大水入其郭壬午  
大理獄空乙酉御後殿慮囚六月庚寅鎮江大水入

其郭癸卯詔自今臣僚奏請事涉改法者三省樞密  
院詳具以聞秋七月辛酉儒林郎倪恕等以封事可  
采遷官免文解有差戊辰遣謝深甫等賀金主生辰  
庚辰下詔恤刑八月甲午升棗州爲重慶府丙申減  
兩浙月椿等錢歲二十五萬五千緡己亥王淮薨癸  
丑金遣溫迪罕肅等來賀即位九月癸亥金遣完顏  
守真等來賀重明節減紹興和買絹歲額四萬四千  
餘匹乙丑戒執政侍從臺諫無移書以薦舉請託南  
劍州火降其守臣一官仍令優加振濟戊辰詔侍從  
各舉公正彊敏之士嘗任守令及職事官材堪御史

者一人甲戌詔監司帥守秩滿到闕薦所部廉吏一  
二人遣郭德麟等使金賀正旦冬十月庚子罷樞密  
院審察諸軍之制壬寅蠲楚州高郵盱眙軍民負常  
平米一萬四千餘石甲寅大閱十一月庚午詔改明  
年爲紹熙元年復置嘉王府翊善以秘書郎黃裳爲  
之乙亥詔陳源毋得輒入國門丁丑減江浙月椿錢  
額十六萬五千餘緡十二月壬子金遣裴滿餘慶等  
來賀明年正旦

紹熙元年春正月丙辰朔帝率群臣詣重華宮奉上  
壽聖皇太后至尊壽皇聖帝壽成皇后冊寶壬申并

蠲臨安府民身丁錢三年壬午何澹請置紹熙會計  
錄詔何澹同戶部長貳檢正都司稽考財賦出入之  
數以聞二月丁酉雨雹辛亥殿中侍御史劉光祖言  
道學非程氏私言乞定是非別邪正從之三月丁卯  
詔秀王襲封置園廟班安僖王諱錄趙普後一人庚  
午以久雨釋杖以下囚夏四月乙酉詔兩淮措置流  
民已丑以伯圭爲太保嗣秀王丁未殿中侍御史劉  
光祖以論帶御器撼吳端罷戊申賜禮部進士余復  
以下五百三十有七人及第出身五月乙卯趙雄坐  
所舉以賄敗降封益川郡公削食邑一千戶己未出

吳端為浙西馬步軍副總管丙寅脩楚州城丙子太白晝見六月丁亥遣丘宗等賀金主生長丙申以上供等錢償廣州放免身丁錢數甲午御後殿慮囚秋七月癸丑詔秀王諸孫並授南班甲寅以葛邲參知政事給事中胡晉臣簽書樞密院事乙卯以留正為左丞相王簡樞密院使癸酉建秀王祠堂于行在八月辛卯立任子中銓人吏部簾試法己亥帝率郡臣上壽皇聖帝玉牒日曆于重華宮己酉詔志新曆九月丁巳金遣王脩等來賀重明節己未升劍州為隆慶府辛酉雷兵午遣蘇山等使金賀正旦冬十月丁酉詔內外諸軍自今毋置額外制領以下官丙午詔內外軍帥各薦一所部有將才者庚戌詔諭郡縣吏奉法愛民十一月甲寅安南入貢壬戌潼川轉運判官王溉擢節漕計代輸牛戶重額錢十六萬緡詔獎之十二月辛巳朔贈左千牛衛大將軍挺為保寧軍節度使壬午賜王倫謚曰節愍丙戌罷王簡樞密使戊子以葛邲知樞密院事胡晉臣參知政事兼同知樞密院事癸卯詔減廣東官賣鹽丙午金遣把德固等來賀明年正旦戊申浦城盜張海作亂詔提點刑獄曲誼捕之

刑獄曲誼捕之

二年春正月庚戌朔命兩淮行義倉法壬子詔尊高宗爲萬世不祧之廟庚申修洛陽城辛酉金主母徒單氏殂戊寅雷電雨雹二月庚辰朔大雨雪壬午遣宋之瑞等使金弔祭癸未石新歷四會元甲申福建安撫使趙汝愚等以盜發所部與守臣監司各降秩一等縣令進停乙酉詔以陰陽失時雷雪交作令侍從臺諫兩省卿監即官館職各具時政闕失以聞出米五萬石賑京城貧民權罷修皇后家廟辛卯布衣余古上書極諫帝怒詔送筠州學聽讀丁未金遣完顏亶等來告庚申三月丙辰詔監司郡守互送以賊論

丁巳詔自今邊事令宰相與樞密院議仍同簽書丙寅詔福建提點刑獄陳公亮知漳州朱熹同措置漳泉州三州經界丁卯增廣州摧鋒軍三百人癸酉建寧府雨雹大如桃李壞民居五千餘家温州大風雨雷電田苗菜果蕩盡丙子出右司諫鄧駟夏四月乙酉從壽皇聖帝壽成皇太后幸聚景園丙申詔侍從兩省臺諫及在外侍從之臣各舉所知嘗任監司郡守可充郎官卿監及資歷未深可充諸職事官者各三人辛丑徽州火二日乃滅五月己酉朔福州水辛亥詔六院官許輪對仍入雜厭庶申詔侍從經筵翰

苑官自今並不時宣對庶廣咨詢以補治道戊辰金  
州大火巳巳潼川崇慶二府大安石果淮安三軍興  
利果合綿漢六州大水六月戊寅詔監司到任半年  
條上裕民事如郡守庾承造趙離等賀金主生辰丁  
亥以伯圭判大宗正事癸巳詔宰臣執政自今不時  
內殿宣引奏事秋七月丁未朔詔改容州編管人高  
登追復元官仍贈承務郎巳未出會子百萬緡收兩  
淮私鑄鐵錢乙丑復置太醫局巳巳興州大水漂沒  
數千家八月戊寅何澹以本生繼母喪去官甲申寬  
兩浙權鐵之禁九月壬子金遣完顏克等來賀重明

節召知福州趙汝愚為吏部尚書壬戌禁職田折變  
癸亥遣黃申等使金賀正旦乙丑以久雨命大理三  
衙臨安府及兩浙決繫囚釋杖以下巳巳詔侍從於  
嘗任御監即管內選舉斷刑表貳一二人以聞冬十  
月丙子朔詔罷經界丁丑築偏州外城庚辰減百官  
大禮賜物三之一甲申復吳玠帶御器械辛卯詔守  
令毋征歛病民庚子下詔撫諭四川被水州軍十一月  
戊申安定郡王子彤薨巳巳冊加高宗徽號丙受命  
中興全功至德聖神武文昭仁憲孝皇帝辛未有事  
于大廟皇后李氏廢皇貴妃以無承奉聞士申合祭天

地于園丘以大祖太宗配大風雨不成禮而罷帝既  
聞喪與妃薨又值此二哀懼感疾罷稱壽事又不御樓  
壽皇即帝及壽成皇后來視疾帝自是不復出  
月庚辰築荆門軍城丁亥帝始對羣臣于內殿乙未  
增楚州戍兵一千五百人庚子復出會于百萬緡  
收兩淮鐵錢辛丑金甯完顏宗璧等來賀明年正月  
壬寅資簡普榮四州及富順監旱甲辰詔處邊軍承  
宣使內侍省都知楊皓懷姦兇恣刺面杖奪配言州  
和州防禦使內侍省押班黃邁私相朋附決其編管  
撫州尋皓撫州邁常州居住是歲建寧府汀州水  
階成西和鳳四州及淮東旱振之

三年春正月己巳朔帝有疾不復朝庚戌蠲秀州上供  
米四萬四千石歲蠲四州鹽酒重額錢九十萬緡出度  
僧牒二百收淮東鐵錢丁巳印使路轉運使通融漕計  
糴米以備凶荒壬戌罷文州民雜役詔輔臣代行恭謝  
之禮二月甲戌朔復以兩浙犒賞酒庫隸戶部丁酉中  
嚴錢銀過淮之禁閏月丙午禁郡縣新作寺觀甲寅以  
王堇闡為端明殿學士四川安撫制置使蕭燾辭不行三月  
詔州縣未斷之盜監司毋得移獄違者許之三月子  
成都府路轉運判官王灑以代民輸邊賞等緡錢三

十三萬緡詣進一官仍令再任詔實郡縣沒官田屋  
及營田三月甲戌修天長縣城辛巳帝疾稍愈始御  
延和殿賜設以子濤為安定郡王甲申詔推州稅場  
五築峽州城乙酉置正色去位不許庚寅宜州蠻寇  
邊改知懋爵用沙世堅知宜州以討之辛卯復置宜州  
薦法正為罷廣東增收鹽斤錢已交詔表善補授之  
人毋得奏補者為令庚子監察御史郭德麟以塞事  
失體出為湖北提舉常平茶鹽夏四月癸卯補童子  
吳鋼官甲寅振四川旱傷郡縣乙卯以戶部侍郎  
密為煥章閣直學士四川安撫制置使戊午帝朝

重華宮丁卯蠲免安民元年二年通賦五月帝有疾  
不視朝乙未命漢陽荆門軍復州行鐵錢已亥蠲四  
川水旱郡縣租賦仍以兩浙犒賞酒庫諫諸州令戶  
部郎官提領歲以四十五萬緡為額庚子賜常德府  
大水入其郭六月辛丑朔下詔戒飭風俗禁民奢侈  
與士為文浮靡吏有且飾偽者以搆禮部尚書陳駿  
同知樞密院事甲辰遣錢之望等賀金主生辰丁未  
罷四川諸軍歲起西兵廢光州定城監壬子慮囚戊  
午以伯圭為太師甲子增捕獲私鑄銅錢賞格丙寅  
以太尉郭師禹為少保秋七月己巳剽掠遼盜萬人

為諸州禁軍壬申監文思院常良孫坐贓配海外益  
 國公周必大坐繆舉良孫降祭陽郡公省廣西郡縣  
 官甲戌台州水壬午瀘州騎射卒張信等作亂殺其  
 帥臣張孝芳甲申軍士卞進張昌擊殺信增嘉王府  
 講讀官二員壬辰修揚州城八月甲寅詔兩淮行鐵  
 錢交子戊午總領四川財賦揚輔奏已蠲東西兩川  
 疇零縮錢四十七萬緡激賞縮六萬六千匹詔獎之  
 自是歲以為例九月甲戌修德安府外城乙亥金遣  
 僕散端等來賀重明節戊子遣鄭汝諧等使金賀正  
 巨丙申勸兩淮民種粟冬十月壬寅修大禹陵廟丙

午修潭州城辛亥帝詣重華宮進香庚申會慶宮  
 相率百官詣重華宮拜表稱賀十一月壬申振襄陽  
 府被水貧民癸酉減蘄州歲鑄錢二十萬緡丙戌日  
 南至丞相率百官詣重華宮拜表稱賀兵部尚書羅  
 鼎給事中亢表申書舍人苦表皆上疏請帝朝重華  
 宮吏部尚書趙汝愚亦因面對以請帝開納辛卯帝  
 朝重華宮皇后繼至都人六悅癸巳蠲湖南北京西  
 江西郡縣月椿經總制錢歲二十三萬餘緡戊戌詔  
 李純乃皇后親姪可特除閣門宣贊舍人十二月癸  
 卯帝率群臣上壽皇聖帝乙酉聖政會宴于重華宮



丙午蠲歸正人賦役二年辛亥以留正為少保乙丑  
 金遣溫敷忠等來賀明年正旦是歲江東京西湖水  
 四年春正月己巳朔帝朝重華宮幸郊獨臨安府民  
 身丁錢一年二月戊戌朔詔陳源等與在京官觀丙  
 寅蠲淮西民市牛錢出米七萬石賑江陵饑民甲戌  
 皇孫生一月丙子帝朝重華宮皇后從幸己以葛鄉  
 為右丞相胡晉臣知樞密院事陳騷參知政事趙汝  
 愚同知樞密院事甲申監察御史汪義端奏汝愚執  
 政非祖宗故事請罷之疏三上不報辛卯義端罷癸  
 巳帝從壽星聖帝壽成皇后幸東園乙未修巢縣

城夏四月己酉罷結賣四川沿邊郡縣官田五月丙  
 寅朔復永州義保己巳賜禮部進士陳亮以下三百  
 九十有六人及第出身進士李儵年五十四調成都  
 司戶參軍自以祿不及養乞以一官回贈父母帝嘉  
 其志特詔以本官致仕父母皆與初品官封丙子淮  
 西大水丙戌紹興大水召浙東總管姜特立丞相留  
 正以論特立不行乞罷相不報壬辰太尉利州安撫  
 使吳玠卒四川制置使立密尋制以魏頴財賦楊輔  
 權安撫使命統制官李世廣權管其官六月丙申朔  
 留正出城待罪振江浙兩淮荆湖被水貧民戊戌祕

書省著作郎沈有開著作佐郎李唐卿祕書郎范黼  
 彭龜年校書郎王夔正字夔幼學顏敏吳獺項安世  
 上疏乞寢姜特立召命已亥遣許及之等賀金主生  
 辰壬寅詔市淮馬充沿江諸軍戰騎戊申胡晉臣薨  
 己酉御後殿慮囚癸丑蠲臨安增民稅錢八萬餘緡  
 甲寅太白晝見甲子雨雹秋七月乙丑朔太白晝見  
 丙寅大雨雹己巳留正復諭姜特立繳納出身以來  
 文字待罪于范村丙子以不雨命諸路提刑審斷端  
 獄戊寅命臨安府及三衢決繫囚釋杖以下壬午以  
 趙汝愚知樞密院事吏部尚書余端禮同知樞密院

事陳源為內侍省押班癸未禁邕州左右两江販鬻  
 生口乙酉叙州夷賊沒該落無等寇邊遣兵討平之  
 八月丙申蠲紹興丁鹽茶租錢八萬二千餘緡丁酉  
 罷都縣賣沒官田癸丑詔三省議振恤都縣水旱丁  
 巳贈吳棧少保其子曩洛階官起復濠州團練使帝  
 御器械戊午振江東浙西淮西旱傷貧民九月己巳  
 金遣董師中等來賀重明節庚午重明節百官上壽  
 侍從兩省請帝朝重華宮不聽己卯上壽聖皇太后  
 尊號曰壽聖隆慈備福皇太后壬午遣倪忠等使金  
 賀正旦甲申帝將朝重華宮皇太后止帝中書舍人陳

四百一十  
傳良引禔方諫不聽戊子著作郎沈有開密言即彭  
龜年禮部侍郎倪思等咸上疏請朝重華宮冬十月  
丙午內教三衙諸軍已酉朝獻于景靈宮夜地震庚  
戌朝獻于景靈宮夜地震又震壬子祕書省官請朝重  
華宮疏三上不報甲寅雨土工部尚書趙彥逾等上  
疏重華宮乞會慶壽節勿降旨免朝壽皇曰朕自秋  
涼以來思與皇帝相見卿等奏疏已令進御前矣明  
日會慶節帝以疾不果朝丞相葛邲率百官賀于重  
華宮侍從上章乞家待罪詔不許嘉王府朔善黃裳  
上疏請誅內侍初彛卿彛卿亭諫張叔棟章顯上疏乞罷

黜戊午太學生汪安仁等二百一十八人上書請朝  
重華皆不報己未丞相以下奏事重華宮庚申帝將  
朝重華宮復以疾不果丞相以下上疏自劾請罷政  
彭龜年請逐陳源以謝天下皆不報十一月辛未日  
中有黑子壬申侍從兩省趙彥逾等十一人同璽奏  
事癸酉太白晝見地生毛夜有赤雲白氣戊寅帝朝  
重華宮都人大悅遣右司郎官徐誼召留正于城外  
庚辰正始入朝復赴都堂視事命姜特立還故官日  
中黑子滅癸未帝率群臣奉上皇太后冊寶于慈福  
宮十二月戊戌帝朝重華宮壬寅右司諫章穎以地

震請罷葛邲疏十餘上不報甲辰命沿邊守臣三年  
為任巳酉詔監司帥守毋獨負薦士庚戌趙雄薨甲  
寅復四川鹽合同場舊法丁巳振江浙流民巳未金  
遣完顏弼等來賀明年正旦

五年春正月癸亥朔帝御大慶殿受群臣朝遂朝重  
華宮次詣慈福宮行慶壽禮推恩如淳熙十年故事  
癸酉壽皇聖帝不豫丙子大理獄空癸未葛邲罷丙  
戌寬紹興民租稅二月乙未趙汝愚余端禮以奏除  
西帥不行居家待罪戊戌荆鄂諸軍都統制張詔為  
成州團練使興州諸軍都統制庚戌禁湖南江西過

糴三月癸亥合利州東西為一路巳巳壽成皇后生  
辰免過宮上壽夏四月甲午帝幸玉津園皇后及後  
宮皆從乙未壽皇聖帝幸東園丙申史浩薨巳亥朝  
獻于景靈宮壬寅以不雨命大理三衛臨安府及兩  
浙決繫囚釋杖以下癸卯雨壬申辰侍從入對請朝  
重華宮巳酉太學生程肖說等以帝未朝移書大臣  
事聞帝將以癸丑日朝至期丞相以下入宮門以俟  
日昃帝復以疾不果出侍從館學官上疏乞罷黜居  
家待罪職事官請去待罪者百餘人詔不許丙辰侍  
講黃裳秘書少監孫逢吉等再上疏以請丁巳起居

即無權中書舍人陳傳良請以親五執政或近上宗戚一人充重華宮使臺諫交章劾內侍陳源楊彝卿林億年離間兩宮請罷逐之五月辛酉朔庚州徭賊寇邊甲子侍從入對未得見宰執詣重華宮問疾不及引陳傳良繳上旨救出城待罪丁卯以壽皇聖帝疾棘命丞相以下分禱天地宗廟社稷戊辰丞相留正等請帝侍疾正引裾隨帝至福寧殿久之乃泣而出辛未丞相以下以所請不從求退帝命皆退於是丞相以下遂出城行罪知閣門事韓侂胄請官押入城許之追封吏浩為會稽郡王乙亥帝將朝重華宮

復不果戊寅以壽皇聖帝疾命權刑部尚書京鑑入對請朝重華宮庚辰丞相以下請重華宮問疾癸未起居舍人彭龜年叩頭請去事詔令上殿乃請朝重華宮甲申後官列奏以請重華宮相善黃裳請請官沈有開彭龜年奏乞令嘉王詣重華宮問疾許之王至重華宮壽皇為之感數丙戌權戶部侍郎袁詵友入對請朝重華宮六月遣祭總管智合主生辰戊戌夜壽皇聖帝崩遺詔後重華宮為慈福宮建壽成皇后殿於宮後以便安省以重華宮錢銀一百萬格賜內外軍兵是丞相留正知樞密院事趙汝愚參知政

四書合卷六  
事陳駿同知樞密院事命端禮閣壽皇聖帝大赦見  
帝于後殿力請帝朝重華宮皇太子嘉王亦請以請不  
聽至是丞相正等聞壽皇聖帝崩乃率百官聽道詣  
于重華宮已亥丞相以下上疏請前重華宮禮庚子  
遣壽叔似等使金告哀辛丑丞相率百官拜表請就  
喪次成服壬寅壽皇大赦皇太子嘉王復入奏事詔候  
疾愈過宮行禮丞相以下請皇太后垂簾聽政不許  
請代行祭奠禮許之仍有旨皇帝有疾聽就內中成  
服夜白氣亘天乙巳尊壽聖降慈備福皇太后為太  
皇太后壽成皇后為皇太后巳酉白氣亘天乙卯遣

林暹等使金致遺留物秋七月辛酉丞相留正稱疾  
乞罷政遂逃歸初正等屢請立嘉王為皇太子帝許  
之正擬指揮以進奉御筆歷事歲久念欲退閑正得  
之大懼乃謀退焉甲子太皇太后以皇帝疾未能執  
喪命皇太子嘉王即皇帝位于重華宮之素帳尊皇帝  
為太上皇帝皇后為壽仁太上皇后移御泰安宮慶  
元元年十一月戊戌上尊號曰聖安壽仁太上皇帝  
六年八月庚寅太上皇帝不豫卒如崩于壽康宮年  
五十有四十一月丙寅謚曰憲仁聖哲慈孝皇帝廟  
號光宗嘉泰二年十一月壬申加謚循道憲仁明功

茂德溫文順武聖哲慈孝皇帝

贊曰光宗幼有令聞嘗用儒雅建其即位總權綱屏  
孽幸薄賦緩刑見於紹熙初政宜若可取及夫官闈  
如悍內不能制驚為暴致疾自是政治日昏孝養日怠  
而乾道之業衰焉

本紀卷第三十六

本紀卷第三十七

開禧儀同三司上柱國錄軍國重事前中書右丞相暨修國史領經筵事都總裁

勅修

寧宗一

寧宗法天備道純德茂功仁文哲武聖睿恭孝皇帝  
諱擴光宗第二子也母曰慈懿皇后李氏光宗為恭  
王慈懿夢日墜于庭以手承之已而有娠乾道四年  
十月丙午生于王邸五年五月賜今名十一月乙丑  
授右千牛衛大將軍七年光宗為皇太子淳熙五年  
十月戊午遷明州觀察使封英國公七年二月初就

傳九年正月始冠十年九月己巳始預朝參十一年當出閣兩宮愛之不欲令居外乃建第東宮之側以十月甲戌遷焉十二年三月乙酉遷安慶軍節度使封平陽郡王八月辛酉納夫人韓氏十六年二月壬戌光宗受禪三月己亥拜少保武寧軍節度使進封嘉王帝自弱齡尊師重傅至是始置翊善以沈清臣為之紹熙元年春宰相留正請立帝為儲嗣五年六月戊戌孝宗崩光宗以疾不能出壬寅宰臣請太皇太后垂簾聽政不許請代行祭奠之禮後之丁未宰臣奏云皇子嘉王仁孝夙成宜正儲位以安人心越

六日奏三上從之明日遂擬旨以進是夕御批付丞相云歷事歲久念欲退閑七月辛酉留正以疾辭去知樞密院事趙汝愚見正去乃遣韓侂胄因內侍張宗尹以禪位嘉王之意請于太皇太后不獲遇提舉重華宮關禮侂胄因其問告之禮繼入內泣請于太皇太后太皇太后乃悟令諭侂胄曰好為之侂胄出告汝愚命殿帥郭杲夜分兵衛南北翌日禪祭汝愚率百官詣大行柩前太皇太后垂簾汝愚率同列再拜奏皇帝疾不能執喪臣等乞立皇子嘉王為太子以安人心乃奉御批八字以奏太皇太后曰既有御



筆卿當奉行汝愚曰內禪事重須議一指揮太皇太后允諾汝愚袖出所擬以進云皇帝以疾未能執喪曾有御筆欲自退閑皇子嘉王擴可即皇帝位尊皇帝為太上皇皇后為太上皇后太皇太后覽畢曰甚善汝愚出以旨諭帝帝固辭曰恐負不孝名汝愚曰天子當以安社稷定國家為孝今中外憂亂萬一變生置太上皇何地衆扶入素握披黃袍方却立未坐汝愚率同列再拜帝詣几筵殿哭盡哀須臾立伏訖催百官班帝衰服出就重華殿東廡素幄立內侍扶掖乃坐百官起居訖乃入行禪祭禮詔建泰安宮以

奉太上皇太上皇后汝愚即喪次請召還留正乙丑太皇太后命立崇國夫人韓氏為皇太后丙寅大赦百官進秩一級賞諸軍詔車駕五日一朝泰安宮百官月兩朝以即位告于天地宗廟社稷丁卯侍御史張叔精劾留正擅去相位詔以叔精為吏部侍郎戊辰詔求直言進鄭深使金言禪位已巳以趙汝愚兼參知政事庚午召秘閣修撰知潭州朱熹詣行在辛申建泰安宮乙亥以趙汝愚為右丞相參知政事陳騫知樞密院事丙子端禮參知政事仍兼同知樞密院事汝愚辭不拜賜前宰相侍從詔訪以得失丙子大風

戊寅詔秋暑六上皇帝未須接御即以履屐為泰安  
宮以殿前都指揮使郭杲為武康軍節度使庚辰率  
群臣拜表于泰安宮辛巳以道致愚為樞密使保大  
軍節度使郭師高為橫官總護使壬午侍御文章類  
等劾內侍林億年陳源揚舜卿詔億年源與在外官  
觀舜卿在京官觀歸佐冑蔭暗官為汝州防禦使癸  
未余端禮辭兼同知樞密院事甲申以兵部尚書羅  
點簽書樞密院事詔兩省官以評定應詔封事具要切  
者以聞戊子詔百官輪對罷揚舜卿在京官觀林億  
年常州居住陳源撫州居住八月己丑朔安定郡三

子濤薨辛卯初御行宮便殿詔政癸巳以朱熹為煥  
章閣待制兼侍講甲午增置誦讀官以給事中黃裳  
中書舍人陳傅良彭龜年等而之丁酉以生日為天  
祐節己亥率群臣朝泰安宮辛丑詔諸道舉廉吏糾  
汚吏壬寅詔經筵官開陳經旨敕正闕失進封弟許  
國公柄為徐國公癸卯加詞瀛王士欽少師郭師高  
少傅夏執中少保乙巳詔號講官坐講丁未復罷經  
筵坐講命三省議派恤諸路郡縣水旱乙卯加安南  
國王李龍翰忠忠功臣詔歲減廣西鹽額十萬緡丙  
辰留正罷以觀文殿大學士劉建康府以道致愚為

在丞相丁巳詔侍從兩省臺諫各舉通亮公清不植  
黨與曾任知縣者二人九月己巳命趙汝愚朝獻景靈  
宮庚子命詞秀王伯圭朝饗太廟是日羅點薨在未合  
祭天地于明堂大赦三申以刑部尚書呂鑑簽書樞  
密院事甲戌下詔撫諭諸將改天祐節為端慶節冬  
十月己丑右諫議大夫張叔椿再劾留正擅去相位  
詔落正觀文殿大學士庚寅更奏安官為書康官辛  
卯命四川制置司鈐量諸州守臣癸巳雷乙未詔以  
陰陽謬鑿雷電非時令臺諫侍從各疏朝政闕失以  
聞戊戌復許武舉人試換文資與子以久雨命大理三

衙臨安府兩浙州縣決繫囚釋杖以下辛丑減兩浙  
江東西路和市折帛錢蠲兩浙路丁鹽身丁錢一年  
雅州蠻寇邊土丁拒退之尋出降甲辰以朱熹言趣  
後省看詳應詔封事乙巳上大行至尊壽皇聖帝謚  
曰哲文神武成孝皇帝廟號孝宗丙午復以朱熹奏請  
邵瑞慶節賀表庚戌改上安穆皇后謚曰成穆皇后  
安恭皇后謚曰成恭皇后壬子遣曾三復使金賀正  
旦丙辰上孝宗皇帝冊寶于重華殿成穆皇后成恭  
皇后冊寶于本室是月建福寧殿閏月庚申以吏部  
尚書鄭僑等奏請祧僖宣二祖正太祖東嚮之位尋

立僖祖別廟以藏順翼宣三祖之主乙丑遣林季友使  
金報謝戊辰金遣使來弔祭戊寅侍講朱熹以上疏  
忤韓侂胄罷趙汝愚力諫不聽臺諫給舍交章請留  
朱熹亦不聽詔兩省臺諫侍從各舉宗室有文學器  
識者二人壬午詔改明年為慶元元年十一月甲午  
復加安南國王李龍翰濟美功臣丙午帝自重華宮  
還大內庚戌以宜州觀察使韓侂胄兼樞密都承旨  
辛亥雨水冰詔行孝宗三年喪制命禮官條具典禮  
以聞升明州為慶元府乙卯權攢孝宗皇帝于求阜  
陵十二月丁巳朔禁民間妄言宮禁事乙丑吏部侍

郎彭龜年上疏言韓侂胄假託聲勢竊弄威福乞黜  
之以解天下之疑詔罷龜年進侂胄一官與在京宮  
觀趙汝愚請留龜年不聽御史中丞謝深甫劾陳傅  
良罷之戊辰以陳康伯配饗孝宗廟庭己巳陳駿罷  
庚午以余端禮知樞密院事京鏜參知政事鄭僑同  
知樞密院事辛未監察御史劉德秀劾起居舍人劉  
光祖罷之癸酉金遣使來賀登位上孝宗廟樂曰大  
倫之舞甲戌禘孝宗神主于太廟丁丑減臨安紹興  
二府死罪以下囚釋杖以下蠲民綠攢宮役者賦戊  
寅加郭師禹少師進封永寧郡王癸未金遣使來賀

明年正旦是歲兩浙淮南江東西路水旱振之仍蠲其賦

慶元元年春正月丁巳朔蠲兩淮租稅壬寅黎州蠻寇邊官軍戰却之乙巳蠲台嚴湖三州貧民身丁折帛錢一年詔兩浙淮南江東路荒歉諸州收養遺棄小兒辛亥以久雨振給臨安貧民丙辰白虹貫日二月丁巳朔詔兩淮諸州勸民墾闢荒田壬戌詔嗣秀王伯圭贊拜不名癸亥以久雨釋大理三衙臨安府兩浙路杖以下囚丁卯詔帥臣監司歲終考察郡守臧否以聞戊寅以右正言李沐言罷趙汝愚為觀文

殿大學士知福州己卯雨土以余端禮兼參知政事庚辰兵部侍郎章穎以黨趙汝愚罷甲申謝深甫等再劾汝愚詔與宮觀三月丙戌朔日有食之庚寅太白經天辛亥詔四川歲發西兵詣行在如舊制癸丑命侍從臺諫兩省集議江南沿江諸州行鐵錢利害甲寅國子祭酒李祥博士楊簡以黨趙汝愚罷夏四月丁巳太府寺丞呂祖儉坐上疏留趙汝愚及論不當黜朱熹彭龜年等忤韓侂胄送韶州安置己未以余端禮為右丞相京鏜知樞密院事鄭僑參知政事謝深甫簽書樞密院事庚申太學生楊宏中等六人

以上書留趙汝愚章穎李祥楊簡請黜李沐詔宏中等各送五百里外編管中書舍人鄧驛上疏救之不聽戊辰臨安大疫出內帑錢為貧民醫藥棺斂費及賜諸軍疫死者家五月戊子呂祖儉改送吉州安置戊戌詔戒百官明比丙午詔諸路提舉司置廣惠倉脩胎養令辛亥減大理三衙臨安府雜犯死罪以下囚釋杖以下六月丁巳復留正觀文殿大學士充醴泉觀使右正言劉德秀請考核真偽以辨邪正巳未遣汪義端賀金主生辰庚午詔三衙江上諸軍主帥將佐初除舉自代一人歲薦所知二人癸酉以韓侂

胄為保寧軍節度使提舉萬壽觀秋七月壬辰加周必大火傳丁酉落趙汝愚觀文殿大學士罷宮觀巳亥太白晝見八月巳巳詔內外諸軍主帥條奏武備邊防之策以聞九月壬午朔蠲臨安府水災貧民賦乙酉以乂雨決繫囚丙戌熒惑入太微甲辰遣黃艾使金賀正旦巳酉蠲台嚴湖三州被災民丁綰冬十月巳卯詔三省樞密院條上合教諸軍例乙丑升秀州為嘉興府舒州為安慶府嘉州為嘉定府英州為英德府戊辰金遣吳鼎樞來賀瑞慶節壬申封子恭為安定郡王十一月巳丑雨土庚寅以弟徐國公柄

為昭慶軍節度使戊戌加上壽聖隆慈備福太皇太后尊號曰壽聖隆慈備福光佑太皇太后壽成皇太后曰壽成惠慈皇太后太上皇曰聖安壽仁太上皇太上皇后曰壽仁太上皇后丙午以監察御史胡紘言責授趙汝愚寧遠軍節度副使永州安置丁未命宰執大閱十二月癸亥置楚州弩手効兩軍丙子命朱熹為煥章閣待制辭丁丑金遣紘石烈正來賀明年正旦

二年春正月庚寅以余端禮為左丞相京鏜為右丞相鄭僑知樞密院事謝深甫參知政事御史中丞何

澹同知樞密院事庚子趙汝愚卒于永州甲辰右諫議大夫劉德秀劾留正引用偽學之黨詔落正觀文殿大學士罷官觀二月辛酉詔追復趙汝愚官許歸葬以中書舍人吳宗旦言罷之辛未再獨臨安府民身丁錢三年三月丙申命諸軍射鐵蕉已亥進封弟栢為吳興郡王丙午有司上慶元會計錄夏四月甲子余端禮罷壬申以何澹參知政事吏部尚書葉翥簽書樞密院事乙亥增置監察御史一員五月辛巳以旱禱于天地宗廟社稷詔大理三衙臨安府兩浙州縣決繫囚乙酉申屠嘉囚瘦死之罰李邦賜禮部

字四百八十八

進士鄒應龍以下四百九十有九人及第出身甲午  
減諸監和帑折帛錢三年建寧文閣以減孝宗御集  
甲辰夏慈福宮為壽慈宮六月庚戌遣吳宗旦賀金  
主生辰乙丑命監司帥守減否縣令分三等丙子子  
後生秋七月癸未養于太廟丙戌減諸監死罪囚釋  
流以下戊子量徙流人呂祖儵等子內郡詔檢正都  
司考覈諸路守臣便民五事以聞戊戌以韓侂胄為  
開府儀同三司萬壽觀使八月癸丑奉安孝宗皇帝  
成穆皇后成恭皇后神御于景靈宮丙辰以太常少  
卿胡紘請權住進擬備電字之黨壬戌子塹慶進封充

王謚冲惠九月丁亥後分利州為東西路癸巳嗣濮  
王士欽薨追封韶王甲午流星晝隕丁酉遣張貴謨  
使金賀正且冬十月戊申率群臣奉上壽聖隆慈備  
福光佑太皇太后壽成惠慈皇太后聖安壽仁太上  
皇壽仁太上皇太后用寶于慈福壽康宮辛亥用皇后  
壬戌金遣張嗣來賀瑞慶節甲戌大閱十一月庚寅  
詣壽康宮上太上皇帝寬恤詔令壬辰京鏐等上孝  
宗皇帝寬恤詔令癸卯賞宣州撫降嗣寇功十二月  
辛亥命遣完顏崇道來賀明年正旦是月監祭御史  
沈繼祖劾朱熹詔落熹秘閣脩撰罷官觀風處士蔡元



定于道州

三年春正月壬寅鄭僑罷癸卯以謝深甫兼知樞密院事二月己酉京鑑等上神宗玉牒高宗實錄丁巳以大理司直邵衷然請詔大臣自今權臣爲學之黨勿除在內差遣詔下其章三月乙未建東華門庚子禁浙西州軍圍田壬寅詔自今有司奏讞死罪不當者論如律夏四月丙午兩立命不祛爲嗣濮王壬子以早禱于天地宗廟社稷乙丑兩雹六月戊辰頒渥熙寬恤詔令閏月甲戌內出銅器付尚書省毀之命申嚴私鑄銅器之禁乙亥遣衛溼賀金主生辰甲午

詔留正分司西京邵州居住日疋夏廣東提舉茶稅徐安國遣人捕私鹽于大奚山島民遂作亂秋七月庚午監察御史沈繼祖錄漚囚四百餘條來上詔進二官八月戊子復置嚴州神泉監辛卯知廣州錢文望遣兵入大奚山盡殺島民甲午均諸路獄囚九月壬寅以四川旱詔蠲民賦辛酉遣會安使賀正旦乙丑申嚴帥臣監司臧否郡守之制是月詔監司帥守薦舉改官勿用爲學之人冬十月癸酉雷丙戌金遣完顏愈來賀瑞慶節丙申以太皇太后建豫赦十月辛丑加孝宗皇帝諡曰紹統同道冠德昭功聖文神

武明聖成孝皇帝太皇太后崩于寅朝獻于景  
靈宮癸卯朝饗于太廟甲辰祀天地于園立大赦乙  
巳謚為大行太皇太后服期丁未遣趙介使金告喪  
十二月丙子始御正殿丁丑以大行太皇太后擯宮  
蠲經興府貧民明年身丁折帛綿絹度辰罷文武官  
納官告緩紙錢甲申雷雨亡乙未金遣使告忠孝來質  
明年正旦丁酉以知綿州王沆請詔省部籍偽學姓  
名

四年春正月己卯上欽此太皇太后謚曰仁懷皇后丙寅  
以策勳同知樞密院事丁卯詔有司寬恤兩制江淮

荆湖四川流民二月辛未詔兩省侍從臺諫各舉所  
知一二人毋薦宰執親黨丙子上大行太皇太后謚  
曰憲聖慈烈皇后三月甲子推攢憲聖慈烈皇后于  
求思陵乙丑金遣烏林答人益來弔祭夏四月丙戌  
祔仁懷皇后神主于烈皇后神主于太廟己丑獨臨  
安紹興二府租稅有差丙申始御正殿是月右諫議大  
夫張金請下詔禁偽學遣湯碩使金報謝五月己亥  
加韓侂胄少傅賜玉帶己酉詔禁偽學六月己巳遣  
揚王休賀金主生辰癸酉以弟吳玠郡王抃為開府  
儀同三司秋七月辛酉棄翦罷八月丁卯朔以久雨

決繫囚丙子以謝深甫知樞密院事兼參知政事吏部尚書許及之同知樞密院事庚辰白氣亘天丙戌詔以太上皇聖躬清復率郡臣上壽尋不克行九月壬寅大白晝見癸卯太白經天丁未頒慶元重脩敕令格式庚申遣馬覺使金賀正旦是月詔造新曆冬十月戊子金遣孫鐸來賀瑞慶節十二月丙戌再蠲臨安府民身丁錢三年己丑金遣楊庭筠來賀明年正旦望為瑞慶節三月甲子詔罷瑞慶節

五年春正月庚子樞密院直省官蔡璉訴趙汝愚定策時有異謀詔下大理捕趙彭龜年曾三聘等以實其事中書全只范仲藝力爭之韓侂胄事遂寢張釜等復請罷詔傳龜年三聘官壬戌建玉堂二月癸酉白氣亘天乙酉張釜劾劉光祖附和偽學詔房州居住三月甲午罷監司減否郡守之制夏五月壬辰朔新曆成賜各曰統天戊戌賜禮部進士曾從龍以下四百十有二人及第出身戊申以久雨民多疫命臨安府振恤之壬子詔諸路州學置武士齋選官按其武藝五月癸亥遣李大性賀金主生辰秋七月甲寅禁高麗日本商人博易銅錢八月乙亥白氣亘天辛巳太祖廟楹生芝率群臣詣壽康宮上壽始見

太上皇成禮而還甲申以過宮上壽禮以中外奉表稱賀丙戌詔減諸路流囚釋杖以下推恩如慶壽故事丁亥進京鏜等官一級戊子立沿邊諸州武舉取士法九月庚寅朔加輔佐胃少師封平原郡王丙辰遣朱致知使金賀正月冬十月庚申朔封郭師禹為廣陵郡王丙子金遣僕散琦來賀瑞慶節十一月己丑朔詔復右司一員十二月辛酉嗣濮王不祜薨庚午命廣東水土惡弱諸州建安仁宅惠濟倉庫給士大夫死不能歸者已亥奉仁懷皇后憲聖慈烈皇后神御于景靈宮甲申金遣范楫來賀明年正旦是歲饒信江撫嚴衢合七州建昌興國軍廣東諸州皆水振之

六年春正月己亥子坦生二月戊辰減諸路雜犯死罪囚釋徒以下己巳兩土己卯率群臣奉上聖安壽仁太上皇玉牒聖政日曆會要于壽康宮甲申封婕妤好湯氏為貴妃閏月庚寅以京鏜為左丞相謝深甫為右丞相何澹知樞密院事兼參知政事己巳復留正少保觀文殿大學士致仕丁未雨土辛亥以殿前副都指揮使元曠為以信軍節度使三月甲子朱熹卒辛未從壽慈皇太后幸聚景園己卯安定郡王

卷之六十一 己亥 二月 庚申 丁未 辛亥 己巳 己卯 己酉 己丑 己未 己亥 己卯 己酉 己丑 己未 己亥

子某是夏四月己酉命不豐為嗣濮王五月丙辰以  
早中... 除本... 賞錢有司上慶元寬恤詔令  
... 殿減膳丙寅詔大理三衙臨安  
府... 關兩州縣釋杖以下囚戊辰詔侍從臺諫  
兩... 監即官館... 疏陳闕失及當今急務辛未以  
久不雨詔中外陳朝廷過失及特政利害壬申雨丁  
丑詔三省樞密院擇臣僚封事可行者以聞六月乙  
酉朔日有食之丁亥以太上皇后遠豫赦戊子太上  
皇后李氏崩壬辰遣趙善義賀金主生辰吳玘使金  
告哀戊申許及之以母憂去位秋七月己未初御後

殺丁卯以御史中丞陳自強簽書樞密院事八月庚  
寅以太上皇遠豫赦辛卯太上皇崩甲午遣李宣仲  
使金告哀乙未日中有黑子丙申上天行太上皇后  
謚曰慈懿皇后丁酉京鎭慶元寅子坦靈定封鄒王  
謚冲溫癸卯權播慈懿皇后于臨安府南山之修吉  
寺九月乙卯初慈懿皇后神主于太廟甲子慶州而  
衣官祖泰上書言請... 陳自強等以  
周必大代之詔於祖泰... 城已... 命謝深甫  
朝獻... 命... 下... 朝... 未合  
祭天地于明堂大赦囚徒遣丁常... 為金... 留國

信使冬十月丙戌如韓使買人傳戊子遣林福使金  
賀正旦庚子復如安南國王李龍翰使節致賀辛丑  
丙子十一月癸丑朔詔宗子與憲更名曠為福州觀  
察使己未皇后請命崩癸亥子增生丙寅東北地震  
上六行太上皇蓋曰憲仁聖慈孝皇帝廟號光宗  
乙亥上六行皇后蓋曰恭淑皇后十二月癸未朔子  
增壽進封鄂王諡冲英乙酉日中有黑子辛卯南土  
權擢憲仁聖慈孝皇帝子永崇陵乙亥金遣烏古  
論祖來弔祭壬寅擢擢葉淑皇后于臨安府南山之  
廣教寺癸卯附光宗皇帝神主于太廟遣使傳使金  
報謝詔改明年為嘉泰元年乙巳日中黑子滅蠲臨  
安紹興二府民緣攢宮役者賦戊申金遣紇石烈忠  
定來賀明年正旦己酉加吳曦太尉庚戌附恭淑皇  
后神主于太廟詔罷四川總領所所增關外四州營  
田租是歲建寧府徽嚴衢處鏡信南劍七州水建康  
府常潤揚楚通泰和七州江陰軍旱振之

神宗... 嘉泰... 紹興... 隆興... 乾道... 淳熙... 光宗... 寧宗... 嘉泰元年... 紹興元年... 隆興元年... 乾道元年... 淳熙元年... 光宗元年... 寧宗元年... 嘉泰元年... 紹興元年... 隆興元年... 乾道元年... 淳熙元年... 光宗元年... 寧宗元年...

本紀卷第三十八

宋史三十八

開禧元年春正月戊午申嚴福建科擧之禁...

嘉泰

寧宗二

嘉泰元年春正月戊午申嚴福建科擧之禁... 深甫等薦士三十有五人詔籍名中書以待選擇... 卯命路鈐按閱諸州兵士毋受饋遺及擅招軍違者... 實諸法庚午以葛邲配饗光宗廟庚丙子金遣元顏... 充采芻禁二月戊午詔求明曆之士壬辰開書畫堂... 遣俞烈使金報謝癸巳監察御史施康年劾少傅觀...

文殿大學士致仕周必大首倡為學私植黨與詔降  
為少保修光宗實錄乙未續修吏部立司法己亥初  
置教官試于四川辛丑兩上三月兩宣兩雷戊辰復  
兩卷領慶元寬恤詔令後法提要己巳兩雷戊寅臨  
安大火四日乃滅夏四月辛巳詔有司振恤被災居  
民死者給錢瘞之壬午下詔自責詔樞密院嚴禁衛  
班直及諸軍營柵焚燬之數癸未避正殿減膳甲申  
命臨安府察姦民縱火者治以軍法丙降錢十六萬  
緡米六萬五千餘石振被災死亡之家辛卯龍州蕃  
部寇邊遣官軍討之詔以風俗侈靡災後官軍營造

務遵法制內出銷金鋪翠焚之通衢禁民無或服用  
丁酉御正殿復膳戊戌以潛邸為開元宮丙午詔文  
武臣無寓居州任釐務官著為令五月戊午以旱禱  
于天地宗廟社稷詔大理三衙臨安府兩浙州縣決  
繫囚癸亥釋諸路杖以下囚除茶鹽賞錢丁卯命有  
司舉行寬恤之政十有六條乙亥監太平惠民局夏  
允中請用文彥博故事以韓侂胄平章軍國重事韓  
侂胄上疏請致仕不許免允中官丙子雨丁丑雨雹  
六月辛巳遣陳宗召賀金主生辰丙午太白經天秋  
七月乙卯何澹罷丁巳以旱復禱于天地宗廟社稷



壬戌釋大理三衙臨安府及諸路闕兩州縣杖以下  
囚癸亥雨雹甲子以陳自強參知政事兼同知樞密  
院事張釜簽書樞密院事丁卯復振被火貧民己巳  
以吳曦為興州都統制兼知興州八月己卯減奏薦  
恩甲申張釜罷以陳自強兼知樞密院事給事中張  
巖參知政事右諫議大夫程松同知樞密院事丙戌  
復詔侍從臺諫兩省集議沿江八州行鐵錢利害九  
月辛亥遣朝臣二人決浙西園田己未雨土辛未遣  
李景和使金賀正旦甲戌令禮官纂集孝宗一朝典  
禮冬十月甲申詔免瑞慶節諸道入貢丙戌起居郎

王容請以韓侂胄定策事迹付史館從之甲午金遣  
徒單懷忠來賀瑞慶節甲辰編光宗御集十一月庚  
申蠲潭州民舊輸黃河鐵纜錢丙寅太白晝見十二  
月己卯太白經天庚寅復免臨安府民身丁錢三年  
辛丑雨土癸卯金遣紇石烈真來賀明年正旦是歲  
浙西江東兩淮利州路旱振之仍蠲其賦真里富國  
獻馴象二

二年春正月癸亥以知閣門事蘇師旦兼樞密都承  
旨丁卯陳自強等上高宗實錄二月甲申追復趙汝  
愚資政殿學士丁亥修高宗正史寶訓戊子領治縣

十二事以風厲縣令癸巳禁行私史三月辛亥詔宰  
執各舉可守邊郡者二三人巳未初命諸路提刑以  
五月按部理囚巳巳詔諸路帥臣總領監司舉任將  
帥者與本軍主帥列上之夏四月庚寅雨雹五月甲  
辰朔日有食之巳巳賜禮部進士傳行簡以下四百  
九十有七人及第出身六月丙子遣趙不艱賀金主  
生辰巳卯臨安火壬午濬浙西運河辛卯禁都民以  
火說相驚者庚子大雨雹秋七月辛亥封子覲為安  
定郡王癸亥以旱釋諸路杖以下囚巳巳命有司舉  
行寬恤之政七條庚午禱于天地宗廟社稷復行寬

恤四事八月丙子以吏部尚書袁詒友同知樞密院  
事矣未建寶謨閣以藏光宗御集巳丑詔作壽慈宮  
請太皇太后還內甲午謝深甫等上慶元條法事類  
九月巳酉朝壽慈宮甲寅修皇帝會要壬戌奉安光  
宗皇帝慈懿皇后神御于景靈宮萬壽觀丙寅嗣秀  
王伯圭薨追封崇王謚曰憲靖庚午臨安府野蚕成  
繭冬十月乙亥上壽成惠慈太皇太后尊號曰壽成  
惠聖慈祐太皇太后戊子金遣完顏瑋來賀瑞慶節  
乙未遣魯館使金賀正旦是月追復朱熹煥章閣待  
制致仕十一月甲辰始御正殿乙巳重修吏部七司

法庚戌以陳自強知樞密院事前同知樞密院事許  
及之參知政事丁巳右文殿楹生芝十二月甲戌日  
中有黑子率群臣奉上壽成惠聖慈祐太皇太后冊  
寶于壽慈宮甲申立貴妃楊氏為皇后加韓侂胄太  
師庚寅大閱閏月丁未詔講官有當開釋者隨事開  
陳乙卯以福州觀察使曠為威武軍節度使封衛國  
公丁卯金遣使單公弼來賀明年正旦是月復周必  
大少傅觀文殿大學士是冬子垌生未踰月薨追封  
華王謚冲穆是歲建寧府福汀南劍瀘四州水邵州  
旱振之

三年春正月庚辰謝深甫罷壬午置湖南谿洞總首  
戊子龍州蕃部復寇遣官軍討之甲午張巖罷丙  
申以陳自強兼知政事戊戌辛大學謁大成殿御  
化原堂命國子祭酒李寅仲講尚書周官篇遂幸武  
學謁武成殿監學官進秩一級諸生推恩賜帛有差  
以袁詭文參知政事權翰林學士知制誥傅伯憲簽  
書樞密院事伯憲辭不拜二月乙巳御文德殿冊皇  
后以吏部尚書費士寅簽書樞密院事三月丁丑以  
久雨詔大理三衙臨安府決繫囚乙酉幸聚景園夏  
四月己亥朔日有食之壬寅福州瑞麥生丙午出封

椿庫兩淮交子一百萬命轉運司收民間鐵錢乙卯  
陳自強等上徽宗王牒孝宗光宗實錄辛酉詔宰執  
臺諫子孫毋就試五月戊寅以陳自強為右丞相許  
及之知樞密院事仍兼參知政事庚辰以旱詔大理  
三衙臨安府釋杖以下囚癸未命有司搜訪舊聞修  
三朝正史以書未上者賞之是月以蘇師旦為定江  
軍承宣使六月壬寅遣劉甲賀金主生辰己酉減天  
理三衙臨安府囚罪一寺釋杖以下癸亥太白經天  
秋七月辛未頒慶元條法事類命殿前司造戰艦壬  
午擢罷同安漢陽蘄春三監鑄錢白虹貫日癸未禁

江浙州縣抑納逃賦己未加光宗皇帝謚曰循道憲  
仁明功茂德溫文順武聖哲慈孝皇帝八月壬寅增  
置襄陽騎軍戊申置四川提舉茶馬二員分治茶馬  
事丙辰陳自強等上皇帝會要甲子詔刑部歲終比  
較諸路瘠死之數以為殿最九月庚午袁詭友罷壬  
申以宗子希璵為莊文太子嗣更名楷授右千牛衛  
將軍癸酉命阮冶鉄冶司毀私錢改鑄己丑詔南郊  
加祀感生帝太子庶子星宋星遣張孝魯使金賀正  
旦冬十月庚子詔宥呂祖泰癸卯以費士寅參知政  
事華文閣學士知鎮江府張孝伯同知樞密院事丙

午命兩淮諸州以仲冬教閱民兵萬弩于丁未大風  
戊申龍州蕃部出降壬子金遣完顏奕來賀瑞慶節  
十一月壬申上光宗冊定于太廟癸酉朝獻于景靈  
宮甲戌朝饗于太廟乙亥祀天地于園丘大赦癸未  
大風己丑安定郡王子覲薨更定選人薦舉改官法  
庚寅復置福田居養院命諸路提舉常平司主之十  
二月丙辰命四川提舉茶馬通治茶馬事辛酉下詔  
戒敕將帥措克金遣獨吉思忠來賀明年正旦是冬  
金國多難懼朝廷乘其隙沿邊聚糧增戍且禁襄陽  
權場邊釁之開蓋自此始

四年春正月乙亥大風濬天長縣濬癸未日中有黑  
子壬辰雨雹瓊州西浮洞逃軍作亂寇掠文昌縣遣  
兵討平之二月丁酉置莊文太子府小學教授辛亥  
命內外諸軍射鈇帖轉資壬子蠲臨安府逋負酒稅  
己未立試刑法避親格庚申夜有赤氣亘天三月丁  
卯臨安大火迫太廟權奉神主于景靈宮己巳避正  
殿庚午命臨安府振焚室辛未詔修太廟甲戌下詔  
罪己乙亥詔百官疏陳時政闕失庚寅復御正殿夏  
四月甲午朔立韓世忠廟于鎮江府命內外諸軍詳  
度純隊法甲辰許及之罷振恤江西水旱州縣乙巳

以費士寅無知樞密院事正考伯參知政事吏部尚  
書錢象祖賜出身同知樞密院事丙辰詔革選舉之  
弊五月乙亥詔諸軍主帥夕會舉部內將材三人不如  
所舉者坐之癸未詔封岳飛為鄂王六月癸巳遣張  
嗣古賀金主生辰丙申置諸軍帳前雄効以軍官子  
孫補之壬寅詔侍從豪諫兩省集議裁抑濫賞士子  
詔諸路監司覈實諸州椿積錢米沿江四川軍帥簡  
練軍實丁巳增廬州強勇軍為千人秋七月甲子以  
旱詔大理三衛臨安府兩浙及諸路決繫囚戊辰禱  
于天地宗廟社稷己巳命諸路提刑從宜斷疑獄蠲

內外諸軍通負營運息錢辛未蠲兩浙關兩州縣軍  
組戍子命諸路提刑提與司措置保伍法八月己亥  
陳自強等上皇帝玉牒癸丑詔自今以恩賞進秩歲  
毋過二官蠲經興府攢官所在民身丁錢絹綿蠶丙  
辰除靜江府昭州折布錢戊午張孝伯罷九月乙丑  
得四圭有邱玉一詔藏于太常壬午遣鄧友龍使金  
賀正旦丙戌戒飭兩淮州縣遵守寬恤舊法冬十月  
庚子以資政殿大學士淮東安撫使張巖參知政事  
壬寅金遣完顏昌采賀瑞慶節十一月己未朔詔兩  
淮諸襄諸州值荒歉奏請不及者聽先發廩以聞庚

午封伯栩為安定郡王壬申白氣亘天庚辰修六合  
縣城十二月癸巳詔總覈內外賦以陳自強無國  
用使費士寅張巖同知國用事己亥詔改明年為開  
禧元年壬寅禁州縣挾私藉沒民產甲辰尋獨臨安  
府民身丁錢三年乙卯金盞烏林答毅來賀明年正  
日  
開禧元年春正月癸酉初置且澈浦水軍壬午兩靈二  
月癸巳奪徐安國三官癸卯詔國用司立考覈財賦  
之法丙午蠲臨安府逋負酒稅三月庚申太白晝見  
辛未申嚴民間生子棄殺之禁仍令有司月給錢米

收養辛巳以淮西安撫司所招軍為強勇軍癸未費  
士寅罷夏四月戊子朔以錢象祖參知政事兼同知  
樞密院事吏部尚書劉德秀簽書樞密院事辛卯以  
江陵副都統李奕為鎮江都統皇甫斌為江陵副都  
統兼知襄陽府戊戌修憲聖慈烈皇后聖德事迹辛  
丑日中有黑子甲寅武學生華岳上書諫朝廷不宜  
用兵恐啓邊釁以忤韓侂胄送建寧府編管乙卯大  
風五月己巳賜禮部進士毛自知以下四百三十有  
三人及第出身復淳熙薦舉改官法乙亥詔以衛國  
公曦為皇子進封榮王甲申鎮江都統戚拱遣忠義

人朱裕結弓手李全焚漣水縣是月金國以邊民侵掠及增邊戍來責渝盟六月戊子罷廣東稅場八十一墟辛卯詔內外諸軍密為行軍之計戊戌命諸路安撫司教閱禁軍己亥遣李壁賀金主生辰庚子進程松資政殿大學士為四川制置使辛丑淮東安撫鄭挺坐擅納北人牛真及劫漣水軍事敗奪二官罷壬寅天鳴有聲復同安漢陽蘄春三監己巳熒惑犯太微右執法陳自強等上新修淳熙以後吏部七司法壬子陳自強及侍御史鄧友龍等請用本朝故事以韓侂胄平章軍國事減大理三衙臨安府囚罪一

等釋杖以下秋七月庚申詔韓侂胄平章軍國事立班丞相上三日一朝赴都堂治事命興元都統司增招戰兵丙寅以蘇師旦為安遠軍節度使領閣門事丁卯詔侍從兩省臺諫在外待制學士己上及內外文武官各舉將帥邊守一二人戊辰贈趙汝愚少保己卯韓侂胄等上高宗御集壬午詔諸路提刑提舉司措置保甲癸未以韓侂胄兼國用使以旱詔大理三衙臨安府兩浙州縣及諸路決繫囚八月丙戌朔蠲兩浙闕雨州縣贓賞錢丁亥命湖北安撫司增招神勁軍癸巳雨乙巳以殿前副都指揮使郭倪為鎮



江都統兼知揚州是月贈宇文虛中少保追封劉光世為鄜王閏月戊寅韓侂胄等上欽宗玉牒憲聖慈烈皇后聖德事迹九月丁亥劉德秀罷庚子詔官吏犯贓追還所受如舊法丁未遣陳景俊使金賀正旦庚戌大風冬十月甲子江州守臣陳鑄以歲旱圖獻瑞禾詔奪一官丙寅升嘉定府為嘉慶軍庚午金遣紇石烈子仁來賀瑞慶節復置和州馬監十一月乙酉置殿前司神武軍五千人屯揚州乙未申嚴告訐之禁十二月癸丑朔脩孝宗光宗御集庚午詔兩淮京西監司帥守講行寬恤之政增剌馬軍司弩手癸

酉詔永除兩浙身丁錢絹戊寅金遣趙之傑來賀明年正旦入見禮甚倨韓侂胄請帝還內詔使人更以正旦朝見著作郎朱質上書請斬金使不報是歲真里富國獻瑞象江浙福建二廣諸州旱兩淮京西湖北諸州水振之

二年春正月癸未朔蠲兩浙踏身丁紬綿癸巳再給軍士雪寒錢發米糧給貧民以金使恃慢館伴使副以下奪官有差乙未增太學內舍生為百二十人辛丑更名國用司曰國用參計所己酉雷雨雹辛亥詔坑戶毀錢為銅者不赦仍籍其家著為令是月雅州

蠻高吟師寇邊遣官軍討之二月癸丑熏慈宮火甲寅太皇太后移居大內車駕月四朝乙卯以火災避正殿徹樂丁巳以久雨詔大理三衙臨安府及諸路決繫囚已卯復御正殿三月癸巳以程松為四川宣撫使吳曦為宣撫副使甲午頒開禧重脩七司法丁酉詔諸路監司歲十一月按部理囚如五月之制己亥從太皇太后幸聚景園乙巳錢象祖罷以張巖兼知樞密院事丙午以錢象祖懷姦避事奪二官信州居住己酉知處州徐邦憲入見請立太子因以肆赦拜兵侍御史徐枋劾罷之夏四月己未雅州蠻作辭

焚礪門峇官軍失利庚申四川宣撫司復調御前大軍往討之甲子以薛叔似為兵部尚書湖北京西宣撫使鄧友龍為御史中丞兩淮宣撫使下納粟補官之令戊辰以吳曦兼陝西河東路招撫使己巳調三衙兵增戍淮東庚午追奪秦檜王爵命禮官改謚乙亥以郭倪兼山東京東路招撫使鄂州都統趙淳兼京西北路招撫使皇甫斌兼京西北路招撫副使丁丑吳曦遣其客姚淮源獻關外四州于金求封蜀王鎮江都統制陳孝慶復泗州江州統制許進復新息縣戊寅光州忠義人孫成復褒信縣五月辛巳朔陳

孝慶復虹縣吳興郡王柄薨追封沂王謚曰靖惠癸未禁邊郡官吏擅離職守丙戌江州都統王大節引兵攻蔡州不克軍大潰丁亥下詔伐金癸巳以伐金告于天地宗廟社稷皇甫斌引兵攻唐州敗績興元都統秦世輔出師至城固縣軍大亂甲午賜宗室希瞿子名均命為沂王柄後補千牛衛將軍以池州副都統郭倬主管馬軍行司公事李汝翼會兵攻宿州敗績壬寅太白書見簡荆襄兩淮田卒以備戰兵癸卯郭倬等還至蘄縣金人追而圍之倬執馬軍司統制田俊邁以與金人乃得免六月壬子王大節除名

袁州安置尋徙封州癸丑建康都統李爽攻壽州敗績甲寅鄧友龍罷以江南東路安撫使丘密為刑部尚書兩淮宣撫使乙卯雅州蠻高吟師出降官軍殺之丁巳減大理三衙臨安府囚罪一等釋杖以下奪郭倬李汝翼二官辛酉奪皇甫斌三官甲子李爽罷丁卯曲赦泗州減雜犯死罪囚餘皆除之蠲其租稅三年建康副都統田琳復壽春府戊辰雅州蠻復寇邊甲戌奪李爽三官汀州居住再奪皇甫斌五官南安軍安置丙子奪鄧友龍三官興化軍居住戊寅蘇師旦罷是月命丘密至揚州部署諸將悉三衙江上

軍分守江淮要害金人封吳曦為蜀王秋七月辛巳復紹興邊郡賞奪蘇師旦三官衛州居住仍籍其家罷旱傷州軍比較租賦一年詔侍從臺諫兩省卿監郎官監司郡守前宰執侍從各舉人材二三人壬午雅州蠻出降庚子蘇師旦除名韶州安置癸卯以張巖知樞密院事禮部尚書李壁參知政事乙巳置沂王府小學教授八月丙寅有司上開禧刑名斷例斬郭倬于鎮江戊辰再奪李爽三官南雄州安置辛未詔諸州無證有佐之獄毋奏裁壬申以淮東安撫司所招軍為御前強勇軍九月壬午金兵攻奪和尚原

己丑朝獻于景靈宮庚寅朝饗于太廟辛卯合祭天地于明堂大赦乙巳賞復泗州功冬十月戊申朔詔內外軍帥各舉智勇可將帥者二人辛酉以將士暴露罷瑞慶節宴丙子金人自清河口渡淮遂圍楚州十一月庚辰命主管殿前司公事郭杲領兵駐真州以援兩淮辛巳金人破棗陽軍甲申以丘宗簽書樞密院事督視江淮軍馬金人犯神馬坡江陵副都統魏友諒突圍趨襄陽乙酉趙淳焚樊城戊子金人犯廬州田琳拒退之癸巳以金人犯淮告于天地宗廟社稷乙未避正殿減膳以湖廣總領陳謙為湖北京

西宣撫副使丙申金人去廬州丁酉金人犯舊岷州  
守將王喜遁去戊戌金人圍和州守將周虎拒之金  
人破信陽軍辛丑金人圍襄陽壬寅金人破隨州癸  
丑太皇太后賜錢一百萬緡犒賞軍士詔諸路招填  
禁軍以待調遣甲辰金人犯真州乙巳金人破西和  
州是月濠州安豐軍及邊屯皆為金人所破十二月  
戊申金人圍德安府守將李師尹拒之庚戌金人破  
成州守臣辛禰之遁去吳曦焚河池縣退屯青野原  
辛亥釋大理三衙臨安府杖以下囚癸丑金人去和  
州甲寅金人攻六合縣郭倪遣前軍統制郭僕救之

遇于胥浦橋大敗倪棄揚州走丁巳金人破大散關  
戊午熒惑守太微癸亥魏友諒軍潰于花泉走江陵  
丁卯金人犯七方關興州中軍正將李好義拒卻之  
戊辰吳曦還興州金人自淮南退師留一軍據濠州  
己巳罷郭倪奪三官責授果州團練副使南康軍安  
置庚午諱叔似陳謙罷以京湖北路安撫使吳玠為  
湖北京西宣撫使復兩浙園田募兩淮流民耕種癸  
酉吳曦始自稱蜀王甲戌以鎮江副都統畢再遇為  
鎮江都統權山東京東路招撫司公事乙亥四川宣  
撫使程松道

三年春正月丁丑朔立帝罷己卯命知樞密院事張  
巖督視江淮軍馬庚辰以陳自強兼樞密使癸未金  
人破階州丁亥子圻生庚寅詔建康府給淮民裝錢  
遣歸業辛卯吳曦招通判興元府權大安軍事揚震  
仲震仲不屈死之癸巳命兩淮帥守監司招集流民  
甲午吳曦僭位于興州甲辰奪池州都統陳孝慶三  
官罷二月壬子以金師退御正殿復膳甲寅削奪福  
建路總管兼延祥水軍統制商榮官爵柳州安置己  
未罷程松四川宣撫使以成都府踏安撫使揚輔為  
四川制置使沿江制置使葉適兼江淮制置使庚申

以旱詔大理三衛臨安府決繫囚癸亥子圻薨追封  
順王謚冲懷甲子授給皇賜州縣貧民命諸路提刑  
司從宜斷疑獄丁卯罷江浙荆湖福建招軍戊辰子  
熈生庚午金人去襄陽辛未以旱禱于天地宗廟社  
稷命有司舉行見恤之政八條蠲兩淮被兵諸州今  
年租賦乙亥釋兩浙諸被囚四川宣撫副使司  
隨軍轉運安丙及興州中軍正將李好義監四川總  
領兩興州合江倉揚巨源等共謀吳曦傳首請行在  
獻于廟社梟三日四川平倂諸曦妻子家屬從嶺南  
奪其父廷官遷吳璣子孫出蜀存其廟祀玠子孫免

連坐三月丙子朔調兩淮被兵州郡後錢丁丑斬焉  
四川都轉運使徐京望于利州壬辰興州將劉昌國  
引兵至階州金人退去癸巳李好義復西和州丁酉  
金人去成州庚子詔以楊輔為四川宣撫使安丙為  
端明殿學士四川宣撫副使起居舍人許奕為四川  
宣諭使落程松資政殿大學士奪六官筠州安置忠  
義統領張翼復鳳州辛丑曲赦四川減雜犯死罪囚  
釋杖以下壬寅責授程松順昌軍節度副使澧州安  
置夏四月戊申以吳玘兼四川宣諭使子熈堯追封  
申王謚冲懿癸丑赦兩淮湖北京西被兵諸州減雜

犯死罪囚釋流以下蠲湖北京西諸郡今年租賦四  
川忠義人復大散關己未奉使金國通謝國信所參  
議官方信孺發行在庚申以兵部尚書宇文紹節知  
江陵府權湖北京西宣撫使壬戌詔吳玘與宣撫司  
議分興州都統司軍之半屯利州丁卯召楊輔詣行  
在以吳玘為四川制置使戊辰以資政殿學士錢象  
祖參知政事己巳改興州為沔州庚午贈楊震仲官  
仍官其子一人癸酉金人復破大散關甲戌赦西和  
階成鳳四州五月丁丑賞諒吳曦功戊寅用四川宣  
撫司奏吳曦黨人張仲之等一十六人除名編配兩

廣及湖南諸州祀以旱禱于天地宗廟社稷辛卯以太皇太后附有疾赦是日崩四川宣撫副使司參贊軍事楊巨源與金人戰于長橋敗績戊戌詔四川宣撫置制司分治兵民庚子復置沔州副都統制以李好義為之辛丑李好義襲秦州敗還六月甲寅賞守襄陽功己未李好義遇毒死癸亥以林拱辰為金國通謝使遣富瑄使金告哀劉彌正附具金鞋衣癸酉安丙殺其參議官楊巨源秋七月己卯命不傳為嗣濮王乙酉以災傷下詔罪己八月己巳上大行大皇太后附諡曰成肅皇后九月丁丑詔諸路帥臣申徹邊備辛巳召張巖詣行在壬午方信孺以忤韓侂胄坐用私覲物增作大臣饋遺金將奪二宮臨江軍居住甲申減極邊官吏舉主員乙酉權擢成肅皇后于阜陵丙戌命淮西轉運司措置雄淮軍辛卯以趙淳為殿前副都指揮使兼江淮制置使乙未張巖罷辛丑遣王棉持書赴金國都副元帥麻士審術或肅皇后神主于太廟冬十月乙巳減監安紹興二府囚罪一等蠲民緣贖官役者賦丙午更殿前司絕隊法乙卯復珍州遵義軍丙辰詔以邊事諭軍兵十一月甲戌詔韓侂胄輕啓兵端罷平章軍國事陳自強阿附

邊備辛巳召張巖詣行在壬午方信孺以忤韓侂胄坐用私覲物增作大臣饋遺金將奪二宮臨江軍居住甲申減極邊官吏舉主員乙酉權擢成肅皇后于阜陵丙戌命淮西轉運司措置雄淮軍辛卯以趙淳為殿前副都指揮使兼江淮制置使乙未張巖罷辛丑遣王棉持書赴金國都副元帥麻士審術或肅皇后神主于太廟冬十月乙巳減監安紹興二府囚罪一等蠲民緣贖官役者賦丙午更殿前司絕隊法乙卯復珍州遵義軍丙辰詔以邊事諭軍兵十一月甲戌詔韓侂胄輕啓兵端罷平章軍國事陳自強阿附



充位罷右丞相乙亥禮部侍郎史彌遠等以密有命  
權主管殿前司公事夏震許韓侂胄于玉津園以錢  
象祖無知樞密院事李璣亦同知樞密院事以錢  
侂胄詔天下丁丑以夏震為福州觀察使主管殿前  
司公事將士行賞有差璣陳自強三官永州居住戊  
寅責被蘇師旦武恭軍節度副使詔州安置己卯新  
之詔姦臣竄跡當首開言防以來忠讜中外臣僚各  
具所見以聞辛巳再奪鄧友龍五官勳雄州安置尋  
除名徙循州乙酉置御前忠銳軍丙戌以御史中丞  
衛澤簽書樞密院事兼參知政事丁亥詔立皇子榮

王曦為皇太子更名壽戊子郭倪除名梅州安置郭  
僕除名連州安置仍籍其家奪李壁二官撫州居住  
癸巳奪張巖二官徽州居住己亥以立皇太子大赦  
十二月癸卯以丘宗為江淮制置大使罷山東京東  
招撫司以許奕為金國通問使乙巳太白晝見丁未  
罷京西北路招撫司己酉落葉通寶文閣待制蠲兩  
淮州軍稅一年庚戌奪許及之二官泉州居住奪許  
叔似二官福州居住再奪皇甫斌五官莫德府安置  
癸丑金人復破隨州辛酉以錢象祖為右丞相兼樞  
密使衛澤及給事中雷孝友並參知政事吏部尚書

林大中簽書樞密院事乙丑以禮部尚書史彌遠同  
知樞密院事丙寅贈呂祖儉朝表郎直祕閣官其子  
一人丁卯詔改明年為嘉定元年是歲浙西旱蝗沿  
江諸州水

本紀卷第三十八

本紀卷第三十九

宋史三十九

開禧儀司在國錄軍國事司事處相監樞密領經事都總裁統統本  
勅修

寧宗二

嘉定元年春正月戊寅右諫議大夫葉時等請梟韓  
侂冑首于兩淮以謝天下不報辛巳下詔求言壬午  
王柞還自河南持金人牒求韓侂冑首丙戌葉時等  
復請梟侂冑首于兩淮戊子安定郡王伯耆薨壬辰  
以史彌遠知樞密院事以許奕為金國通謝使二月  
戊申追復趙汝愚觀文殿大學士謚忠定詔史官改

紹熙以來韓侂胄事迹壬子詔臨安府振給流民戊  
午責授程松果州團練副使賓州安置是月郴州黑  
風峒寇羅世傳作亂招降之三月癸酉以毛自知首  
論用兵奪進士第一人恩例戊子下詔戒飭內外群  
臣復秦檜王爵贈謚己丑王禕自軍前再還行在議  
以韓侂胄首易淮陝侵地辛卯詔梟侂胄首于兩  
淮是春子均生夏四月丙辰詔後省科別辟臣奏疏  
可行者以聞贈彭龜年寶謨閣直學士落李汝寶文  
閣學士戊午再責授陳自强復州團練副使雷州安  
置仍籍其家閏月辛未置拘權安邊錢物所壬申兩

霄癸未子均薨追封肅王謚冲靖詔大理三衙臨安  
府及諸路闕兩州縣決繫囚釋杖以下甲申詔自今  
視事令皇太子侍立乙酉以錢象祖兼太子少傅衛  
涇雷孝友林大中並兼太子賓客辛卯以旱禱于天  
地宗廟社稷癸巳減常膳乙未蠲兩浙闕兩州縣貧  
民逋賦命大理三衙臨安府兩浙州縣決繫囚丙申  
幸太乙宮明慶寺禱雨丁酉以旱詔求言五月辛酉  
賜禮部進士鄭自成以下四百二十有六人及第出  
身甲子太白經天乙丑以飛蝗為災減常膳丁卯詔  
侍從臺諫疏奏關政監司守令條上民間利害六月

庚午金人歸大散關辛未金人歸濠州乙亥衛涇罷  
丙子遣鄒應龍賀金主生辰甲申林大中薨乙酉以  
蝗禱于天地社稷丙戌詔侍從兩省臺諫舉沿邊守  
臣辛卯以史彌遠兼參知政事秋七月辛丑詔呂祖  
泰特補上州文學癸丑以丘密同知樞密院事壬戌  
以飛蝗為災詔三省疏奏寬恤未盡之事八月戊辰  
朔發米振貧民辛未丘密卒甲戌命侍從臺諫兩省  
詳議會子折閱利害辛巳以禮部尚書婁機同知樞  
密院事吏部尚書樓鑰簽書樞密院事丙戌詔禮部  
侍郎許奕起居舍人曾從龍攷訂監司守令所陳民

間利害擇可行者以聞其未上者趣之甲午發米二  
十萬振糶江淮流民九月辛丑金使完顏侃喬宇入  
見壬子出安邊所錢一百萬緡命江淮制置大使司  
糶米振饑民巳未詔以和議成諭天下甲子遣曾從  
龍使金賀正旦乙丑大風赦沿邊諸州冬十月丙子  
以錢象祖為左丞相史彌遠為右丞相雷孝友知樞  
密院事仍兼參知政事婁機參知政事樓鑰同知樞  
密院事巳卯褒錄慶元上書楊宏中等六人庚辰封  
伯祝為安定郡王辛巳蔡璉除名配贛州牢城癸未  
金遣使來賀瑞慶節十一月丙辰金主璟殂戊午史

彌遠以毋憂去位十二月戊辰錢象祖罷庚午四川  
初行當五大錢升嘉興府為嘉興軍再奪李沐三官  
信州居住戊寅改命曾從龍使金弔祭己卯黎州蠻  
畜卜寇邊己丑遣宇文紹彭使金賀即位辛卯蠲兩  
淮州軍二稅一年是歲江淮制置司汰雄淮軍歸農  
淮東揀刺八千餘人以補鎮江大軍及武鋒軍之闕  
淮西揀刺二萬六千餘人以為御前定武軍

二年春正月庚子詔內外有司疏陳節用之事辛丑  
金遣裴滿正來告哀丁巳以樓鑰參知政事御史中  
丞章良能同知樞密院事吏部尚書宇文紹節簽書

樞密院事庚申金遣滿察知剽來獻遺留物詔侍從  
兩省臺諫各舉監司郡守治行尤異者二三人二月  
己巳金遣使來告即位庚午黎州蠻寇邊壬午以會  
子折閱日甚詔侍從兩省以下各疏奏所見丁亥罷  
法科試經義復六場舊法戊子大風三月丙申雨雹  
己酉詔民以減會子之直籍沒家財者有司立還之  
戊午禁兩淮官吏私買民田庚申命浙西及沿江諸  
州給流民病者藥辛酉罷漳泉福三州興化軍賣廢  
寺田壬戌出內庫錢十萬緡為臨安貧民棺槨費夏  
四月乙丑詔諸路監司督州縣捕蝗戊辰江淮制置

司言放廬濠二州忠義軍歸農甲申賜臨安諸軍死者棺錢戊子賜楊震仲謚曰節毅五月丙申史彌遠起復丁酉以旱詔諸路監司決繫囚劾守令之貪殘者戊戌借補武訓郎羅日愿謀為變伏誅庚子詔侍從兩省臺諫各舉監司郡守有政績才望者二人以補卽官之闕辛丑申命州縣捕蝗癸卯詔兩淮荆襄守令以戶口多寡為殿最乙卯釋大理三衙臨安府兩浙州縣杖以下囚除茶鹽賞錢己未以旱詔群臣上封事庚申禱于天地宗廟社稷六月癸亥朔命浙西諸州諭民種麻豆毋督其租詔臺省及諸路監司

速决滯獄戊辰春安成肅皇后神御于景靈宮己巳

遣俞應符賀金主生辰乙酉復禱雨于天地宗廟社

稷己丑命江西福建二廣豐稔諸州糴運以給賜安

仍償軍費辛卯京湖制置司言放諸州新軍及忠義

人歸農秋七月癸巳命有司舉行寬恤之政任孫乙

未詔荒歉州縣七歲以下男女聽異姓收養著為令

己亥蠲信陽荆門漢陽軍民錢壬寅命兩淮轉運司

給諸州民災種癸卯募民以振饑免役八月甲子聽

兩淮諸州民行鐵錢于沿江八州乙丑以安西為四

川制置大使罷宣撫司甲戌開皇太子丁丑皇太子

謁于太廟戊寅詔皇太子更名詢己卯黎州蠻復寇  
邊丙戌發米十萬石振兩淮饑民九月己亥朝獻于  
景靈宮庚子朝享于太廟辛丑合祭天地于明堂大  
赦丙午增太學內舍生十員癸丑命吏部郎官劉焯  
等審定中外所陳會子利害上于朝己未遣費培使  
金賀正旦冬十月丁卯命京湖制置司募逃卒及募  
散忠義以補廂禁軍闕丁丑金遣使來賀瑞慶節己  
丑命兩淮轉運司給諸路民稻種減公私房廡白地  
錢計之三十一月辛卯沔州統制張林等謀作亂  
事覺賊死陳名廣南羈管甲午詔浙西監司募饑民

修水利乙未以歲饑罷寧夏是月郴州黑風峒寇李  
元勳作亂衆數萬連破吉郴諸縣詔遣荆鄂江池四  
州軍討之十二月甲子四川制置大使司調官軍討  
黎州蠻敗績己巳賜朱真謚曰文乙亥詔諸州毋糴  
職田租丙戌金遣使來賀明年正月是歲諸路旱蝗  
揚楚衡郴吉五州南安軍盜起

三年春正月甲辰下詔招諭群盜又詔戒飭監司郡  
守丙午兩土二月辛酉黎州蠻復寇邊庚午詔楚州  
武鋒軍歲給累重錢如大軍例壬午以工部侍郎王  
居安知隆興府督捕峒寇三月丁酉蠲都城及荒歉

諸州民間通負已亥以湖南轉運判官曹夤約知潭  
州督捕峒寇庚子賜彭龜年謚曰忠肅甲寅誅楚州  
渠賊胡海丙辰以久雨釋兩浙州縣繫囚夏四月癸  
亥李元礪犯南雄州官軍大敗乙丑失臣安擊南  
杖以下丙寅詔監司守臣安集泰吉二州民銜賊  
踐者戊辰出內庫銀二十三萬緡賜臨安軍民己巳  
詔臨安府給細民病死者棺槨五月乙未准東賊悉  
平詔寬恤殘破州縣甲辰以去歲旱蝗百官應詔封  
事命兩省擇可行者以聞乙巳命沿海諸州督捕海  
寇戊申經理兩淮屯田庚戌以江陵忠勇軍為御前

忠勇軍癸丑以久雨發米振貧民六月丁巳朔日有  
食之壬戌命有司舉行寬恤之政十有九條癸亥遣  
黃中賀金主生辰己卯加揚次山少保封永陽郡王  
詔三衙江上四川諸軍主帥核實軍籍欺冒者以贓  
論是月池州副都統許俊江州副都統劉元鼎與李  
元礪戰于江西皆不利知潭州曹彥約又與賊戰亦  
為所敗賊勢愈熾秋七月辛卯申嚴圍田增廣之禁  
癸卯定南班為三十員八月乙亥大風拔木是月臨  
安府蝗九月丙戌朔詔三衙江上諸軍升差將校必  
以材藝年勞其徇私者臺諫及制置總領劾之癸丑



遣錢仲彪使金賀正旦冬十月壬申雷金遣使來賀  
瑞慶節丁丑推南雄州戰歿將士恩十一月癸巳賞  
楚州平賊功乙巳遣朝臣二人往兩浙路與提舉官  
議收浮鹽是月李元礪迫贛州南安軍詔以重賞募  
人討之十二月丙辰詔江淮諸司嚴飭守令安集流  
民戊午婁機罷丙寅湖南賊羅世傳縛李元礪以降  
峒寇悉平辛巳金遣使來賀明年正旦黎州蠻請降  
是歲臨安紹興二府嚴衢二州大水振之仍蠲其賦  
四年春正月己丑叙州蠻攻嘉定府利店砦陷之甲  
辰以四川鹽檐錢對減激賞絹一年丙午詔湖南江

西諸州經賊蹂踐者監司守臣攷縣令安集之實第  
其能否以聞二月乙卯李元礪伏誅壬戌羅世傳補  
官尋復叛辛巳罷廣西諸州牛稅閏月丁未大風辛  
亥詔諸路帥臣監司守令格朝廷振恤之令及盜發  
不即捕者重罪之三月己未臨安府振給病民死者  
賜棺錢丙子沔州將劉世雄等謀據仙人原作亂伏  
誅夏四月甲申禁兩浙福建州縣科折鹽酒己丑以  
吳曦沒官田租代輸關外四州旱傷秋稅丙午賜黑  
風峒名曰效忠戊申出內庫錢瘞疫死者貧民是月  
四川制置大使司置安邊司以經制蠻事命成都路

提刑李臺漳川路安撫許奕共領之五月乙亥賜禮部進士趙建大以下四百六十有五人及第出身六月丁亥遣余巖賀金主生辰會金國有難不至而還減京畿囚罪一等釋杖以下辛丑更定四川諸軍軍額秋七月壬戌太白晝見丙寅詔四川官吏嘗受偽命者自今毋得叙用丁丑詔軍興以來爵賞冒濫者聽自陳除其罪九月辛酉叙州蠻寇邊乙亥羅世傳為其黨所殺丁丑遣程卓使金賀正旦詔附會開邊得罪之人自今毋得叙用冬十月甲辰以金國有難命江淮京湖四川制置司謹邊備十一月乙酉朔日

有食之癸丑賞平峒寇功甲戌申嚴諸軍升差之制十二月辛巳奉議郎張鎡坐扇搖國本除名象州羈管癸未以會子折閱不行遣官體訪江浙諸州乙巳金遣使來賀明年正旦是歲金國有難賀生辰使不至

五年春正月己巳詔諸路通行兩浙倍役法著為令壬申賜李好義謚曰忠壯二月壬午罷兩淮軍興以來借補官三月庚戌四川制置司遣兵分道討叙州蠻其酋米在請降戊辰以久雨詔大理三衙臨安府兩浙州縣決繫囚甲戌以廣東湖南京西盜平監司

帥臣進職有差夏五月癸酉安南國王李龍翰卒以其子昊昂為安南國王詔州縣見役人毋納免役錢役滿復輸六月癸未遣傳誠賀金主生辰乙酉禁銅錢過江秋七月庚申賞降叙州蠻功戊辰以雷雨毀太廟屋避正殿減膳八月甲戌朔御後殿復膳九月丙午太白晝見巳酉有司上續編中興禮書庚戌遵義砦夷楊煥來獻馬辛未罷沿海諸州海船錢遣應武使金賀正旦冬十月辛巳詔諸路總領官歲舉堪將帥者二三人安撫提刑舉可備將材者各二人戊子金遣使來賀瑞慶節戊戌雷遣使弔祭安南十一

月庚申朝獻于景靈宮辛酉朝享于太廟壬戌祀天地于圜丘大赦十二月丁丑再蠲濠州租稅一年壬午詔蠲州縣橫增稅額巳亥金遣使來賀明年正旦六年春正月庚申宇文紹節卒詔侍從臺諫兩省官帥守監司各舉實材二三人二月丁丑太白晝見丙戌有司上嘉定編修吏部條法總類乙未詔宗室毋與胥吏通姻著為令三月癸亥樓鑰罷夏四月丙子以章良能參知政事甲午復法科試經義法雜流進納人不預五月丁卯以旱命大理三衙臨安府決繫囚戊辰修慶元六年以來寬恤詔令六月乙亥詔刑

部歲終上諸州未決之獄于尚書省擇其最久者罪  
之丁丑遣董居義賀金主生辰會金國亂不至而還  
丁亥復監司臧否守令及監司郡守舉廉吏所知法  
丙申詔三衙江上諸軍主帥各舉堪將帥者二三人  
八月己巳朔詔諸路監司帥臣舉所部官吏之才行  
卓絕績用章著者庚午知思州田宗範謀作亂夔州  
路安撫司遣兵討平之是月金人弑其主允濟九月  
甲辰蠲京湖諸州逋負二十八萬餘緡閏月戊辰朔  
詔御史臺置考課監司簿丙戌以金主新立命四川  
謹邊備己丑詔湖北監司守令振恤旱傷癸巳雷甲

午史彌遠等上二祖下七世仙源類譜高宗寶訓皇  
帝玉牒會要乙未大雷丙申以雷發非時下罪己詔  
冬十月丁酉朔申嚴互送之禁戊申遣真德秀賀金  
主即位會金國亂不至而還庚戌遣李稹使金賀正  
旦亦不至而還壬子金遣使來告即位十一月癸未  
虜恨蠻寇嘉定府之中鎮砦十二月壬寅蠲瓊州丁  
鹽錢癸亥金遣使來賀明年正旦是歲兩浙諸州大  
水振之

七年春正月丁卯朔四川制置司遣提舉皂郊傅馬  
務何九齡率諸將及金人戰于秦州城下敗還丁丑

章良能薨壬午沔州都統王大才斬何九齡梟首境  
上以其事聞三月丁卯以安丙同知樞密院事成都  
府路安撫使董居誼為四川制置使庚辰金國來督  
二年歲幣戊子金人來止賀正旦使夏四月癸卯蠲  
福建沿海諸州貧民納鹽五月丁丑太白經天乙酉  
賜禮部進士袁甫以下五百四人及第出身六月辛  
丑以旱命諸路州軍禱雨甲辰詔諸路監司守臣速  
決滯訟丙午蠲兩浙路諸州贓賞錢壬子釋大理三  
衙及兩浙路杖以下囚丁巳置嘉定府邊丁二千人  
以備蠻秋七月甲子朔以左諫議大夫鄭昭先簽書

樞密院事兼權參知政事戊辰詔省吏毋授參議官  
乙亥金人來告遷于南京庚寅以起居舍人真德秀  
奏罷金國歲幣是月夏人以書來四川議夾攻金人  
不報八月癸巳朔罷關外四州所增方田稅乙未罷  
四川宣制司所補官癸卯復建宗學置博士諭各一  
人弟子員百人金國復來督歲幣乙巳太白經天禁  
州縣沮壞義役戊申詔以安丙為觀文殿學士知潭  
州九月壬戌朔日有食之太白晝見乙丑史彌遠等  
上高宗中興經武要略戊寅調殿前司兵增戍天長  
縣丙戌以久雨釋大理三衙臨安府杖以下囚庚寅

釋兩浙路杖以下囚除茶鹽賞錢冬十月壬辰朔出  
內帑錢振臨安府貧民十一月辛丑朔遣聶子述使  
金賀正旦刑部侍郎劉鑰等及太學諸生上章言其  
不可不報丙戌命浙東監司發常平米振災傷州縣  
罷四川制置大使司所開鹽井十二月甲午復罷同  
安監鑄錢丁巳金遣使來賀明年正旦是歲黎州蠻  
畜卜始降

八年春正月辛未命師禹嗣秀王詔侍從兩省臺諫  
各舉將材三人巳卯遣丁焞賀金主生辰戊子申嚴  
銷金鋪翠之禁二月丙午雷孝友罷壬子蠲平江等

五郡通負米釋其繫囚巳未雨土三月辛丑詔大郡

歲舉廉吏二人小郡一人乙亥以旱命諸路州縣禱

雨丙子蠲臨安府茶鹽賞錢釋兩浙諸州繫囚辛巳

應賢良方正錄直言極諫科何致坐妄造事端營惑

衆聽配廣西牢城癸未安定郡王伯祝薨丙戌釋江

淮兩州縣杖以下囚夏四月乙未幸太一宮明慶

寺禱雨辛丑避正殿減膳壬寅禱雨于天地宗廟社

稷癸卯詔中外臣民直言時政得失乙巳減臨安及

諸路雜犯死罪以下囚釋杖以下五月辛未雨巳卯

命利州路安撫司招刺忠義人辛巳御正殿復膳癸

未復命有司禱雨甲申詔賊吏毋得減年久饑者為  
令乙酉發米振糶臨安府貧民六月丙辰詔兩浙江  
淮等處論民雜種粟麥麻豆有司毋收其賦田主毋責  
其租秋七月辛酉以鄭昭先參知政事禮部尚書曾  
從樞密書樞密院事壬戌詔四川立楊巨源廟名曰  
褒忠戊辰蠲兩淮諸州今年秋稅併極邊五州明年  
夏稅癸酉蠲臨安紹興五府貧民夏稅丙子發米三  
十萬石振糶江東饑民庚辰詔第播更名思正姪均  
更名貴和甲申詔職田蠲放如民田違者坐之八月  
己丑賜張忒謚曰宣庚子申嚴宗子訓名法丁未權

罷旱揚州縣比較賞罰己酉禁州縣過糶是月蘭州  
盜程彥暉求內附四川制置使董居誼却之九月己  
巳朝獻于景靈宮庚午朝饗于太廟辛未合祭天地  
于明堂大赦乙亥申嚴兩浙園田之禁甲申罷四川  
法科試冬十月乙未命六部各類赦書寬恤事下諸  
路監司推行壬寅金遣使來賀瑞慶節十一月丙辰  
朔封伯澤為安定郡王癸亥遣使累使金賀正旦十  
二月己丑詔楊巨源李好義子孫各進一官辛亥金  
遣使來賀明年正旦是歲兩浙江東西略旱蝗  
九年春正月乙丑賜呂祖謙謚曰成置馬軍司水軍

乙亥遣使賀金主生辰丙子命諸州招填軍籍辛  
巳罷諸路旱蝗州縣和糴及四川關外科糴二月甲  
申朔日有食之辛亥東西兩川地大震三月乙卯又  
震甲子又震馬湖夷界山崩八十里江水不通丁卯  
又震壬申又震丁丑詔侍從臺諫兩省舉堪監司者  
各二人夏四月戊戌秦州人唐進與其徒何進等引  
衆十萬來歸四川制置使董居誼拒却之五月癸酉  
太白晝見六月辛卯西川地震壬辰又震乙未又震  
黎州山崩戊申振恤浙西被水州縣蠲其租稅秋七  
月戊辰詔邊縣擇才不拘常法其餘並遵三年之制  
九月甲申詔兩浙江東監司嚴州縣被水最甚者蠲  
其租冬十月癸亥西川地震甲子又震丙寅金遣使  
來賀瑞慶節十一月庚寅遣陳伯震使金賀正旦癸  
卯以程亨暉改圍鞏州迫及川界命利州副都統劉  
昌祖移駐西和州以備之十二月丁巳再給諸軍室  
寒錢乙亥金遣使來賀明年正旦



宋史卷第四十

本紀卷第四十

宋史四十一

開禧元年正月詔置國書司書家相兼樞密副使趙鼎奏

和修

寧宗

十年春正月庚子雨土乙未大風庚子遣錢撫賀金

主空辰二月庚申地震夏四月丁未朔金人犯光州

中渡鎮執推場官盛光升殺之遂分兵犯臨城成市

鄂州江陵府都統王守中引兵拒之金人遂分兵

圍襄陽光化軍丙辰詔江淮制置使李廷京副置

使遣方措置諸遺仍聽便宜行事丁巳命四川制置

使董居誼酌量緩急便宜行事辛酉二月虜將於結上辛  
敗金人于光山縣之安昌砦殺其統軍完顏德成  
金兵遁去徐州光化皆以捷聞丁卯詔出戍官兵全  
給其家五月辛巳以久雨釋大理三衛監安慶衛以  
下囚蠲茶鹽賞錢甲申賜禮部進士吳若以下五百  
二十有三入及第出身癸卯道方請下詔伐金遂傳  
檄招諭中原官吏軍民六月庚戌太白晝見戊午詔  
厲將士募京西忠義人進討辛未東川大水癸酉太  
白經天秋七月丙子朔日有食之戊寅以旱釋諸路  
杖以下囚甲申雅州蠻寇寇焚明門岩遣兵討之丁

亥嗣濮王不傷死庚子詔諸軍將佐有罪者送屯駐  
州鞠之罷軍士淫刑八月乙丑詔監司郡守各舉威  
勇才略可將帥者二人冬十月乙巳朔以久雨釋大  
理三衛監安慶府及兩浙諸州杖以下囚癸酉蠲三衛  
江上諸軍公私酒錢十一月丁丑大風廩食太白  
晝見甲申詔浙東糶粟司發米十萬石賑給貧民戊  
戌太白經天十二月戊申以軍興募民納粟補官乙  
卯詔武舉人毋復舊文墨舉及金鳳翔副都統宣亮  
頰資以步騎萬人犯四川戊辰追救地保土已破六  
水軍守巨黃安孫道全入攻白環堡破之庚午追黃

牛堡統制劉耀宗大散關遣金人據之

十一年春正月壬午京東路忠義軍全率界京臨詔

以全為京東路總管戊子金人圍皇郊聖王辰利州

將李仲率忠義人焚秦州永寧砦乙未以度僧牒千

給四川軍費丁酉詔四川忠義人立功賞錢管軍金

人犯蒲葦關與元都統李實道官軍大潰二月甲辰

金人焚大散關而去乙巳沔州都統王大才馬斃死

于河池丙午金人破皇郊死者五萬人丁未金人破

鞏地堡戊申金人圍隨州秦陽軍游騎至漢上均州

守臣應謙之棄城走丙辰白虹貫日焚州鈐轄衆昭

報焚金人報舟于大清河京東忠義副都統沈鐸遣

兵助之三月丁丑金人焚鞏池堡而去戊子利州統

制王逸等率忠義人復皇郊金副統軍完顏贊包長

壽道去沔州軍郭權遣新寧首長壽僅以身免己丑

沔州都統劉昌祖全白之鄭亨鄭忠義人十萬餘出攻

秦州官軍繼進至赤谷口三邊傳昌祖之命退詔且

放散忠義軍人潰還已巳三月忠義軍合長安鳳翔之寔復

攻皇郊遂遷西和州是日忠義軍制彭惟忠等

敗于泗州丙申劉昌祖復西和州守臣楊克

城去戊戌金人復西和州夏四月甲辰劉昌祖

州道守臣羅仲平棄城去是日金人去西和州成軍  
命四川增印錢引五百萬以給軍費贈州守臣侯履  
棄城去是日金人去成州成午金人復犯大散關守  
將王立道已未金人犯黃牛堡興元都統吳政拒還  
之癸亥政至大散關執王立斬之五月乙亥命四川  
制置司招進忠義人癸未寅允旗見其長竟天丁亥  
詔侍從臺諫兩省官集議平戎禦戎紀戎三策壬辰  
申嚴試法官七等之制六月辛酉詔湖州振恤被水  
貧民秋七月癸酉奪知天水軍黃炎孫三官辰州居  
住乙酉修孝宗寶訓辛卯蠲四川關外諸州稅役甲

午蠲光州民兵戰死之家稅役九月己卯朝獻于景  
靈宮庚辰朝享于大廟辛巳合祭天地于明堂大赦  
辛卯安定郡王伯澤薨丙申興元都統吳政利州副  
都統張威各進三官劉昌祖奪五官韶州安豐公十  
月丙午羅仲甲湯克家陝順並奪三官仲甲常德府  
克家道州顧撫州居住戊午大風壬戌修軒於雲城  
十一月壬申金人攻安豐軍之黃口澧是月陝西人  
張羽來歸

十二年春正月戊辰朔石董居誼詣行在以新利州  
路安撫使聶子述為四川制置使庚辰金人犯湫池

堡守將石宣拒退之甲申金人攻白環堡守將董昭  
拒退之戊子金人犯成州沔州都統張威自西和州  
退守仙人原庚寅金人犯隨州棗陽軍又破信陽軍  
之二砦京西諸將引兵拒之辛卯金人犯西和州守  
將趙彥昉設伏以待之殲其衆乃還金人犯安豐軍  
建康都統許俊遣將却之金人焚遂州犯河池守將  
張斌有之癸巳金人圍安豐軍及光州攻光化軍破  
鄖山縣進逼均州甲午破鳳州守臣雷雲登城去金  
人夷其城乙未興元都統吳政及金人戰于黃牛堡  
死之金人乘勝攻武休關二月戊戌朔金人破光山

縣太白晝見壬寅金人圍棗陽軍京湖制置使趙方  
遣統制扈再興救之不克進而還癸卯金人破武休  
關興元都統李貴遣還利州路提刑權興元府掌趙  
希普棄城去丁未金人破興元府戊申金人攻棗陽  
軍已酉遣殿前司軍八千人防捍江面庚戌以曾從  
龍同知樞密院事兼江淮宣撫使權吏部尚書任希  
夷簽書樞密院事立亥金人破大安軍守臣李文子  
棄城去金人犯洋州守臣蔡晉卿遣兵拒之不克洋  
州破壬子四川制置使董居誼自利州遁沔州都統  
張威遣統制石宣等邀擊金人于大安軍大破之獲

其將巴土魯安金人遂去興元丙辰金人去洋州  
丁巳京湖制置使趙方遣統制扈再興等引兵三萬  
餘人出攻唐鄧二州遣州忠義統領劉世興等討其  
攻唐州甲子金人去棗陽軍乙丑夏人復以書累四  
川議夾攻金人利州路安撫丁焞許之三月己巳以  
鄭曉先知樞密院事曾從龍參知政事癸酉金人復  
入洋州焚其城而去乙亥興元軍士權興等作亂犯  
巴州守臣秦季桓棄城去鄂州統制劉世榮會兵攻  
唐州丁亥太白書見權興等降癸巳兩土甲午金人  
自盱眙退師閏月己未遣雷雲三官梅州安置辛酉

贈吳政為忠武大夫忠州刺史壬戌詔撫諭四川官  
軍忠義人秦季興元軍士張福莫簡等作亂以紅巾  
為號是春金人圍安豐軍濠蒙光三州江淮制置使  
李珣命池州都統武師道忠義軍統制陳孝忠救之  
皆不克進金人遂分兵自光州犯黃州之麻城自濠  
州犯和州之石碛自盱眙軍犯滁州之全椒來安及  
揚州之天長真州之六合淮南流民渡江避亂諸城  
悉閉金人游騎數百至東采石楊林渡建康大震京  
東總管李全自楚州忠義總轄季先自連水軍各引  
兵來援金人乃解去全追擊敗之于曹家庄獲其貴

將夏四月庚午張福入利州四川制置使聶子述遣  
殺總領財賦楊九鼎丁丑張福掠閬州丁亥掠果州  
癸巳曾從龍罷以鄭昭先兼參知政事崇信軍節度  
使開府儀同三司萬壽觀使安丙為四川宣撫使重  
居鎮洛職奉三官五月乙未朔召聶子述詣行在張  
福漢遂寧府潼川府路轉運判官權府事程邁孫棄  
城遁丁酉滅兩淮荆襄湖北利州路沿邊諸州雜犯  
死罪囚釋流以下仍編今年租稅己亥太學生何處  
恬等伏闕上書以工部尚書胡榘故和金人請誅之  
以謝天下張福入遂寧府焚其城甲寅四川宣撫司

命沔州都統張威引兵捕福戊午福入普州守臣張  
已之棄城遁癸亥詔侍從兩省臺諫各舉文武可用  
之才二三人六月戊辰張福屯普州之茗山庚午張  
威引兵至丙子太白晝見辛巳西川地震太白晝見  
癸未張福請降乙酉張威執之歸于宣撫司丁亥嗣  
濮王不嫖薨金國招諭李全等不聽辛卯太白經天  
癸巳丁焞復以書約夏國攻金人秋七月丙申張福  
伏誅復奪董居誼二官永州居住庚子張威捕賊衆  
一千三百餘人誅之莫簡自殺紅巾賊悉平癸亥李  
全引兵至齊州知州王贊以城降八月戊辰復合利

州東西路為一九月丙午罷江淮制置司置松江淮  
東西制置司以寶文閣待制李大東為沿江制置使  
淮南轉運判官趙善湘為主管淮西制置司公事淮  
東提刑賈涉為主管淮東制置司公事兼節制京東  
河北路軍馬十一月辛亥進封楊次山為會稽郡王  
十二月壬申京東節制司言復京東河北二府九州  
四十縣乙亥築興元府城丁丑雅州蠻入廬山縣已  
卯四川宣撫司遣兵取洮州召諸將議出師招諭中  
原豪傑辛巳蠻焚碣門砦邊丁大敗乙酉金人犯鳳  
州之長橋丁亥四川宣撫司命罷洮州之師已丑京

湖制置司遣統制扈再興等引兵六萬人分三道出  
境庚寅賞茗山捕賊功

十三年春正月丁酉扈再興引兵攻鄧州鄂州都統  
許國攻唐州不克而還金人追之遂攻樊城趙方督  
諸將拒退之己亥雅州蠻復掠廬山縣遣兵討之己  
酉命不凌為嗣濮王戊午夏人復以書來四川議夾  
攻金人三月辛卯朔雨土丁巳黎州土丁叛遣兵討  
之夏四月庚申朔淮東制置賈涉招諭山東兩河豪  
傑五月庚寅朔雅州蠻降戊戌史彌遠等上玉牒及  
三祖下第七世宗藩慶系錄六月癸酉賜禮部進士



劉渭以下四百七十有五人及第出身加安丙少保  
丙子以李全為左武衛大將軍壬午以季先為果州  
團練使漣水軍忠義副都統命赴樞密院議事未至  
殺之秋七月戊戌以京東河北諸州守臣空名官告  
付京東河北節制司以待豪傑之來歸者丙午以任  
希夷兼參知政事丙辰四川宣撫司招黎人土丁降  
之八月癸亥皇太子詢薨謚曰景獻壬申安丙遺夏  
人書定議夾攻金人癸未四川宣撫司命利州統制  
王仕信引兵赴熙鞏州會夏人遂傳檄招諭陝西五  
路官吏軍民甲申復海州以將作監丞徐晞稷知州

事盱眙將石珪叛入漣水軍詔以珪為漣水忠義軍  
統轄九月辛卯夏人引兵圍鞏州且來趣師甲午太  
白晝見王仕信引兵發宕昌乙未四川宣撫司統制  
質俊李寔引兵發下城戌四川宣撫司命諸將分  
道進兵沔州都統張威出天水利州副都統程信出  
長道興元副都統陳立出大散關興元統制田胃為  
宣撫司帳前都統出于午谷金州副都統陳昱出上  
津巴亥張威下令所部諸將毋得擅進兵庚子質俊  
等克來遠鎮辛丑王仕信克鹽川鎮壬寅質俊等自  
來遠鎮進攻定邊城金人來救俊等擊破之乙巳程

信王仕信引兵與夏人會于鞏州城下丁未攻城不克庚戌金人犯皂郊堡沔州統制董炤等與戰大敗壬子程信及夏人攻鞏州不克信引兵趨秦州丙辰夏人自安遠砦退師冬十月丁巳朔程信邀夏人共攻秦州夏人不從信遂自伏羗城引軍還諸將皆罷兵戊寅程信以四川宣撫司之命斬王仕信于西和州四川宣撫司以張威不進兵罷其軍職十一月庚戌大風壬子臨安府火十二月戊午大風壬申漣水忠義軍統轄右珪叛癸未鎮江副都統翟朝宗以皇帝恭膺天命之寶來獻

十四年春正月丙戌朔以雲定釋大理三衙臨安州浙諸州杖以下囚乙未地震以李全還自山東賜緡錢六萬庚子四川運米賞格三月戊辰金人圍光州己巳金人犯立關壬申金人治舟于團風弗克濟遂圍黃州分兵破諸縣又遣別將犯漢陽軍丁丑李全棄泗州遁還甲申詔准東京湖諸路應援淮西沿江制置司防守江西權殿前司職事馮楫將兵駐鄂州京東忠義都統李全兵救斷黃楫不果行三月丙戌朔鄂州副都統扈再興引兵攻唐州丁亥金人破黃州淮西提刑知州事何大節棄城遁死庚寅長

星見李全言楚州引兵援淮西癸巳扈再興引所部趨蘄州甲午太白晝見乙未詔京湖制置司趣援蘄黃巳亥金人陷蘄州知州事李誠之及其家人官屬皆死之癸丑金人退師扈再興邀擊敗之于天長鎮甲寅晦又敗之夏四月乙卯復置諸三宮大小學教授乙丑命任子廉試于御史臺戊辰金人渡淮而北李全言遣兵進擊敗之五月甲申朔日有食之壬辰史彌遠等上孝宗寶訓皇帝會要丙申西川地震乙巳頒慶元寬恤詔令六月甲寅朔初直沿江制置副使司于鄂州丙寅詔以姪福州觀察使貴和為皇子更

名竑進封祁國公丁卯以立皇子告于天地宗廟社稷乙亥以太祖十世孫與莒補秉義郎丙子減京畿囚罪一等釋杖以下辛巳大風秋七月辛丑以趙方為京湖制置大使賈涉為淮東制置使兼京東河北路節制使丁未修光宗寶訓八月乙卯賜史彌遠家廟任希夷罷壬戌以兵部尚書宣繒同知樞密院事給事中俞應符簽書樞密院事甲子以秉義郎與莒為右監門衛大將軍賜名貴誠乙丑追封史浩為越王改謚忠定配享孝宗廟庭戊寅以姪右監門衛大將軍貴誠為果州團練使九月癸未立貴誠為沂靖

惠王後已丑朝獻于景靈宮庚寅朝饗于太廟辛卯  
合祭天地于明堂大赦冬十月癸丑京東河北節制  
司言復滄州詔以趙澤為河北東路鈐轄知州事甲  
寅復以齊州為濟南府兗州為襲慶府丙寅夏人復  
以書來四川趣會兵庚午雷十一月已亥安丙薨是  
月京東安撫張林叛十二月庚申鄭昭先罷閏月辛  
巳朔以宣繪兼參知政事俞應符兼權參知政事戊  
申以殿前司同正將華岳等謀為變殺之是歲浙東  
江西福建諸路旱沔成階利四州水振之

十五年春正月庚戌朔御大慶殿受恭膺天命之寶

癸丑立李誠之廟于蘄州甲寅褒贈蘄州死事官吏  
錄其子孫有差丁巳詔撫諭山東河北軍民將帥官  
吏已未以受寶大赦文武官各進秩一級大犒諸軍  
二月庚子罷御史臺簾試任子法三月丁巳詔江西  
提舉司振恤旱傷州縣夏四月壬午詔蠲蘄州今年  
租賦五月庚戌太白晝見甲寅詔監司慮囚察州縣  
匿囚者劾之丁巳進封子祁國公竑為濟國公已未  
以姪果州團練使貴誠為邵州防禦使壬戌知濟南  
府种贇等攻張林于青州林遁去已巳修孝宗經武  
要略六月辛卯俞應符薨秋七月甲子詔江淮荆襄

四川制置監司條畫營田來上八月己卯命戶部詳  
議義役辛卯詔文武官毋得歸宗著為令甲午有彗  
星出于氏九月辛亥以宣繒參知政事給事中程卓  
同知樞密院事吏部尚書薛極賜出身簽書樞密院  
事癸丑雷大雨雹丁巳復以隨州三關隸德安府置  
關使壬戌彗星沒辛未太白晝見冬十月丙子以收  
復京東州軍犒賞忠義有差十一月戊午赦京東河  
北路十二月乙亥朔發米振給臨安府貧民丙子以  
雪寒釋京畿及兩浙諸州杖以下囚丁亥以李全為  
保寧軍節度使右金吾衛上將軍京東路鎮撫副使

十六年春正月戊申詔命官犯贓毋免贓法已置  
抵生辛酉命淮東制置司振給山東流民二月戊子  
兩土已丑嗣秀王師馬薨追封和王戊戌子坻薨追  
封邵王謚冲美三月戊申張林所部邢德來歸詔進  
二官復以為京東東路副總管丁卯以道州民饑詔  
發米振之夏五月甲辰詔右選試法官如左選之制  
戊申賜禮部進士蔣重珍以下五百四十有九人及  
第出身戊辰詔復潭州稅酒法六月丁酉程卓薨秋  
八月辛巳詔州縣經界毋增紹興稅額癸未申嚴船  
船銅錢之禁九月庚子朔日有食之乙巳詔江淮諸

司振恤被水貧民乙卯雷冬十一月辛亥大平州大水詔振恤之十二月辛巳命淮東西總領及沿江被水州募江西湖南民入米補官癸未嗣漢王不凌薨壬辰雷

十七年春二月戊戌朔詔補先聖齋孔元用為通直郎錄程順後癸亥命進京西湖北路轉運司提督營屯田二月癸巳蠲台州逋賦十萬餘緡甲午命臨安府振糶貧民二月癸丑雪是月金人迫西和州季引兵還夏四月辛卯詔廬州振糶饑民乙未賜李全彭義斌錢二十萬緡為犒賞戰士費五月戊戌詔覈實

兩淮京湖四川江上諸軍之數六月丁卯朔太白經天書具癸酉知和州尚震午坐金兵至謀遁奪三官岳州居住壬辰大名府蘇椿等舉城來歸詔悉補官即以冀州授之秋七月丁酉朔命福建路監司振恤被水貧民辛亥命師出嗣秀王八月乙亥罷通州天賜堽置場丙戌帝不豫閏八月乙未朔申嚴兩浙諸州輸畜過取之禁丁酉皇帝崩于福寧殿年五十七史彌遠傳遺詔立姪貴誠為皇子更名昀即皇帝位尊皇后為皇太后垂簾聽政進封皇子竑為濟陽郡王出居湖州寶應元年正月己丑益曰仁文武恭孝

皇帝廟號寧宗二月癸酉李<sub>三</sub>自稱之<sub>三</sub> 隆三年

九月加謚法天循道純德茂功仁文藝武聖膺恭孝

皇帝

贊曰宋世內禪者四寧宗之禪獨當事勢之難能不  
失禮節焉斯可謂善處矣初年以舊學輔導之功召  
用宿儒引掖善類一時守文繼體之政燁然可觀中  
更侂冑用事內蓄群姦至指正人為邪正學為偽外  
挑強鄰流毒淮甸頻歲兵敗乃函侂冑之首行成于  
金國體虧矣既而彌遠擅權幸帝耄荒竊弄威福至  
於皇諸國統乘機伺間亦得遂其廢立之私他可知

也雖然永東都至于仁宗四傳而享國百年邵雍稱  
為前代所無南渡至寧宗亦四傳而享國九十有八  
年是亦豈偶然哉惜乎神器授受之際寧理之視仁  
莫其跡雖同其情相去遠矣

